

B. N. C.
FIRENZE
1105
18





XXVII

Lamormaini

B. 5

1105.48

13

1105. 16



1105. 18

FRUIT OF THE

Tree of Life

VIRTUES

of the

Tree of Life

of the

Tree of Life

of the

Tree of Life

of the

Tree of Life

1105 12



F E R D I N A N D I I I.

Romanorum Imperatoris

V I R T V T E S.

A Gulielmo Lamormaini Societatis
JESV Sacerdotē con-
scriptæ.

Viennæ Austriæ,

A Gregorio Gelbhaar excusæ, Anno 1638.





FERDNANDO III. II

Austriaco, Romanorum Im-
peratori, Germaniæ, Vngariæ &
Boëmiæ Regi,



Annue, Imperator Augu-
ste, ut sub tuis Auspicijs, præ-
maturus veluti partus, in lu-
cem prodeat membrum istud
totius illius corporis, quod Optimi Pa-
rentis tui Vitam immortalitate dignam
complectens, tibi, simillimo tanti Paren-
tis filio, parturitur. Videbit, spero, M^{tas}.
Tua non illibenter in charta hac adum-
bratas interim virtutes illas, quas in tela
illa ditissima vitæ Parentis tui vivissimis
coloribus intextas, ipsemet cum admira-
tione & imitatione spectasti. Imò id tibi
continget, quod cuius filio Patri suo si-
millimo; qui dum Parentem aspicit, sei-
psam videt. Id enim Mundi de te judici-
um est; tibi, tanquam totius assis hæredi,
non Regna magis & Imperium, quàm
virtutes Patrias obvenisse.

FERDINANDVS II.

Natus Gratz Anno 1578. die 9. Julij.

Rex Boemiz coronatus Praga, anno 1617. die 29. Junij.

Vngaria, Polonij, Anno 1618. die 1. Julij.

In Imperatorem electus Francofurti, Anno 1619. die 28.

Augusti, & coronatus ibidem 8. die Septembris.

Obijt Viennæ anno 1637. die 15. Februarij.

Totius Vitæ ejus Anni sunt 58. menses 7. dies sex.

Viduam reliquit Eleonoram Augustam Mantuanam.

Superstites ex Maria Anna Bavara, priori Conjuge liberos quatuor:

Ferdinandum III. Imperatorem, & ex hoc tres nepotes:

Leopoldum Gulielmum Archiducem Episcopum:

Mariam Annam Maximiliani Bavari, electoris conjugem, & ex hac nepotem unum:

Cæciliam Renatam Wladislao Poloniz & Sveciz Regi nuptam.

111

SUMMA PRIVILEGII
CÆSAREI.

SAcra Cæsarea Regiaq; Majestas Fer-
dināus III. die 8. mensis Martij 1638.
Pofonij Adm: R. P. Gulielmo Lamormai-
ni plenam facultatem & potestatem de-
dit, Libellum de ejusdem Sac. Cæs. M^{ti}.
colendissimi Genitoris, Imperatoris Fer-
dinandi II. glor^m. recordationis Virtuti-
bus, qui Vitæ illius quartus est ordine,
conscriptum, & jam suo loco revisum,
censum & approbatum, intra omnes suæ
M^{ti}. Provincias & Regna, ac sacrum Ro-
manum Imperium, Latinè, Germanicè,
Italicè, & Boëmicè pro libitu imprimen-
di, sine cujusquam molestia aut impedi-
mento.

Joannes Matthias Prikelmeyr.

G. Schidenitsch.

INDEX

FACVL-

FACULTAS R. P. PRO-
VINCIALIS.

EGo Joannes Rumer Societatis JESU per Pro-
vinciam Austriæ Præpositus Provincialis, fa-
cta mihi potestate ab Adm: R. P. N. Mutio Vitellesco
Præposito Generali, facultatem concedo, ut Liber
singularis de virtutibus gloriosis: memoriæ Impera-
toris Ferdinandi II. qui in ejus vita quartus erit, à R.
P. Gulielmo Lamormaini ex eadem Societate JESU,
Sacerdote, & SS. Theologiæ Doctore conscriptus,
& à pluribus diætæ Societatis Patribus lectus & ap-
probatus, ad satisfaciendum justo desiderio omni-
um eorum, qui illum expetunt & expectant, typis
mandetur; ut tantæ in uno Imperatore Virtutes,
sint ad aliorum tum admirationē tum imitationem.
In cujus rei fidem has literas manu nostra subscri-
ptas, & officij nostri Sigillo munitas dedimus. Vien-
næ Austriæ 25. Martij 1638.

Joannes Rumer.

INDEX

10

INDEX CAPI- TVM.

Caput I. Fides, & Catholicæ Religionis Zelus. pag. 3.

Cap. II. Spes & Fiducia in Deum. pag. 8.

Cap. III. Charitas in Deum. pag. 13.

Cap. IV. Pia Sacramentorum frequentia, ac Eucha-
ristiæ cultus. pag. 17.

Cap. V. Oratio, & Lectio Sacra. pag. 21.

Cap. VI. Conformitas Voluntatis cum divina. 18.

Cap. VII. Devotio erga Virginem Dei Matrem. 32.

Cap. VIII. Devotio in Sanctos. 37.

Cap. IX. Reverentia in Sacerdotes. 39.

Cap. X. Pietas erga Parentes, & suos. 42.

Cap. XI. Humilitas, & sui ipsius Contemptus. 46.

Cap. XII. Sinceritas & animi Candor. 50.

Cap. XIII. Contemptus honorum & opum. 52.

Cap. XIV. Mortificatio, & Pœnitentiæ. 55.

Cap. XV. Castitas. pag. 59.

Cap. XVI. Patientia. pag. 61.

Cap. XVII. Constantia in adversis æquè ac pro-
speris. pag. 64.

Cap. XVIII. Labores. 67.

Cap. XIX. Recreationes. pag. 70.

Cap. XX. Prudentia & gubernandi ratio. 72.

Cap. XXI. Charitas in proximos & inimicos. 77.

Cap. XXII. Humanitas & Benignitas in omnes. 81.

Cap. XXIII. Justitia cum clementia. 84.

Cap. XXIV. Liberalitas ac Munificentia. 87.

Cap. XXV. Amor ac Beneficia in Clerum, ac Religiosas Familias. 90.

Cap. XXVI. Beneficia in Pauperes. 97.

Cap. XXVII. Studium Literas promovendi. 101.

Cap. XXVIII. Quædam in Ferdinando mira. 103.

Cap. XXIX. Singularis divinæ Protectionis argumenta. pag. 106.

Cap. XXX. Summorum Virorum Testimonia. 109.



PRÆ-

I. V
P R Æ F A T I O

ad Lectorem.

Erdinandi Secundi Vitam,
aliorum quâ voto, quâ im-
perio scribendam suscepî, &
quatuor libris, propitiô nu-
mine, absolvam. Primo exponâ ejus Na-
tales, & totius Adolescentiæ exercitatio-
nes. Secundo, quemadmodû suâs Heredi-
tarias Provincias Princeps administrave-
rit. Tertio, quæ gesserit Imperator. Dum
hæc ago; istum, Lector benevole, De e-
jus Virtutibus accipe libellum, qui in or-
dine quartus erit. Hûc interim, dum opus
integrum plures ob causas adhuc produ-
cere non licet, ad tuam orexin vel tempe-
randam, vel, si mavis, acuendam lege; &
summam Imperatoris, quem jure merito
Apostolicum dixeris, Virtutē cognosce.
Invenies quæ & mirari possis, & cum fru-
ctu

etu imitari. Hoc igitur libello, Ferdinan-
 di Virtutē, suas tributam in partes, paullo
 exactius conabor explicare; ejus enim e-
 go totis triginta et octo añis Grätij, Vien-
 næ, alibi, præsens, neq; omnino incurius
 spectator fui. Videbor fortasse alicui ali-
 quādo minutiora, ac ferè minima prose-
 qui: sed minima non sunt, quæ solidæ vir-
 tutis sunt argumenta: & quæ in homine
 privato exigua censerī fortasse possent, ea
 in Maximo Prīcipe exigua videri nec pos-
 sunt, nec debent. In Giganteo corpore e-
 tiam articuli magni sunt, & admirationē
 pariunt. Jam verò in exponēdis Ferdinā-
 di virtutibus, primo loco exhibebo eas,
 quæ peculiari ratione Deum spectant &
 Cœlites, ac eos, qui Deo Cœlitibusq; ho-
 nore censentur proximiores: secūdo eas,
 quæ ipsum habētis animū perficiētes, nō
 tam alijs quàm habenti prospiciunt: ulti-
 mo tandem eas enarrabo, quæ in alios e-
 tiam derivantur. Coronidem vitæ ponēt,
 fumorum virōrum de Ferdinandi Virtute
 ac laudibus testimonia præclara.

*Tres ordines
 Virtutum Fer-
 dinandi.*

FERDINANDI II. ^V3

VIRTUTES.

Fides, & Catholicæ Religionis Zelus.

CAPVT I.



FIDES IN DEUM,

Christianæ vitæ fundamentū & origo, sine qua, ut Apostolus ait, impossibile est placere Deo, eximia, suisque absoluta numeris Ferdinando fuit. Illa non modò in mente, sed in ejus etiam bonis operibus vixit. In tanta tot Principum ac Procerum Aatholicorum, quibuscū illi fuit agendum, multitudine, in tanta eorundem pertinacia; ne quidem levis unquam illi contra Catholicæ Religionis veritatē vel dubitatio, vel tentatio irrepfit. Vidit complures, vulgò non insipientes habitos, malle possessionibus diuenditis solū vertere, quàm ad Catholicos transire: ipse tamen ne minimum, quidem eorum vel sententiā, vel autoritate unquā commotus est. Eo tempore, quo illi patriā & comoda Catholicæ Religionis odio posthabebāt, Ferdinandus sapissime professus est, se verò paratū pro quouis Romanæ Fidei articulo cruciatus, inuò & mortem ipsam oppetere.

*Ferdinandus
pro quouis Fi-
des articulo
paratus est
mori.*

FERDINANDI II.

Ex firma hac vivaq; in Deum Fide, qua ejus animus DEO divinisq; mysterijs adhæserat, ortus est ardens ille Catholicæ Religionis tuendæ ac propagandæ Zelus, quo etiam laudatissimos Imperatores, qui cum antecesserunt, aut vicit, aut æquavit, & successoribus dignum imitatione exemplū reliquit. An nos natus non plures viginti, (quod alibi dictū est,) in ipso suscepti Regiminis exordio, Laureti in agro Piceno, coram Virgine Matre, Deo vovit, vel cum vitæ discrimine abacturum se è Styria, Carinthia, Carniola, Scythas, Scytharumq; Magistros. Tertio supra quadragesimū anno, Vngariæ Bohemiæq; jam Rex, & Cæsar, idem se in Bohemia, illiq; Regno adjunctis Provincijs acturum, Cellis (vbi in Styriæ ac Austriæ finibus præcipua religione Virgo colitur,) sanctè constanterq; vovuit. Tandem octo ferè ante obitum annis obstrinxit se voto, nullis defuturum occasionibus, quas Deus dignaretur offerre, quin Fidem Catholicam in Vngaria, olim ut Catholicissimā ac piissimā, sic sub Bmæ Virginis patrocinio fortissimā felicissimāq; protegeret, & modis medijsq; licitis ac honestis propagaret. Ad simile votū edendum invitavit, ac induxit è Consiliarijs eum, cujus opera maximè utebatur, ut scilicet promitteret se advigilaturum, & pro viribus Cæsaris Zelo cooperaturum.

Haud segniùs restituendæ Religionis Votū Deo reddidit, quam concepit. Primò, ut alibi vidimus, Styriam,

Vovet Prædicationem è suis Provincijs abstrahere

Item è toto Boemico Regno

Promissionem densq; Fidei in Vngaria.

Styriam, Carinthiam, Carnioliam penitus expurgavit. Deinde ex Bohemiarum Regno, & Moravia, & ex utraq; Austria Acatholicos Prædicatores omnes dimisit; Catholicosq; suffecit; eo animarum proven-
tu, ut nonnulli absque tentèritate se affirmare possent existiment, Ferdinandi Zelo ac operâ centies centena millia hominum ad Ecclesiæ Catholicæ gremiū & caulas esse revocata; adeoque Ferdinādum omni jure posse ac debere hârtum Provinciârū Apostolum dici, aut Apostolici Imperatoris cognomento decorari. In Vngaria ac Silesia eâ reparandæ Catholicæ Fidei jecit fundamēta, quibus hodie strenuè Ferdinādus III. paternæ æmulus pietatis superædificat.

*Putatur cen-
ties centena
millia homi-
num ad Eccle-
siam reduxisse*

*Imperator A-
postolicus*

*Pro Fide Carbo-
lica Zelus.*

Zelus hic reparandæ Religionis cōcvasit; ut cætera omnia commoda Catholicæ Fidei tuendæ propagandæq; posthaberet. Sæpe voce, sæpe scripto testatus est; suis se Provinciis Regnisq; renunciaturum citius ac libentius, quàm scienter amplificandæ Fidei occasionem neglaurum; malle solo pane & aqua vitâ trahere; malle cum Coniuge ac liberis solo scipione instrudū ire in exilium; malle ostiatim panem medicatē; malle in frustra concidi ac discerpi; quàm injuriā Deo Ecclesiæq; ab Hæreticis in subditis sibi Provinciis hâcenus illatam diutius perferre.

Pulsis è Styria Acatholicis Præconibus, quidam Provincialium Secretarius sine superstitione, sive Procerum Acatholicorū precibus ac promissis ada-

Etus, ausus est Dominicis diebus Græcij in Provinciæ palatio Lutheranas conciones prælegere, auditoresq; qui frequentes è Nobilitate aderant, in Hæresi confirmare. Statim ac id Ferdinandus rescivit, severè prohibuit; ac ne Decreto audacior aliquis illuderet, sui ipsius corporis custodes armigeros jussit pro palatij foribus excubare, adituq; venientes prohibere. Memoriâ dignissima sunt verba, quæ adjecit: appetiturum se mortem libentiùs, quàm post tot serias inhibitiones, suis subditis, suo in cõspectu, Acatholicum hoc quale quale publicum exercitium permitturum.

Agebatur in Silesia de pace cum Acatholicis Principibus componenda. Fridlandiæ Dux, penes quem belli administrandi summa post Imperatorem potestas erat, eam urgere dicebatur. Ferdinandus restituendæ tranquillitatis ac quietis cupidissimus, pacem amabat, & verò etiam missis legatis curabat. Fuere interea qui suggererent, nec à Fridlando sincerè rem agi, nec è bono Religionis eam pacem futuram. Cupidissimus propugnandæ Religionis Imperator illicò in genua se dejecit, & Beatissimam Virginem est obtestatus, si pax illa ejus Filio ipsiq; non esset grata; si Catholicæ Fidei perniciofa; averteret illam porro, ac perturbaret, quibuscunq; demùm rationibus, modis ac medijs; etiam, si opus sit, difficultibus & cæteroqui parum gratis.

Non facile est referre, quo perfundebatur gaudio,

*Pacem amat,
sed gratam
Deo*

dio, cū ē Proceribus aliquē abiuratā Hæresi ad
 veram venisse Ecclesiam inaudiebat. Non modò
 viribus omnibus datā occasione Magnates ipsemet
 ad Fidem provocabat, aptisq; magistris erudiendos
 attribuebat, verū etiam hos Fidei magistros ad se
 advocabat, & eorum, de quibus agebatur, conditio-
 nem ingeniumq; edocebat, ac viam mōstrabat, qua
 eos ad Fidem reduci posse speraret; veræ tandem
 Ecclesiæ restitutos planè hilaris lætusq; excipiebat.
 Libet hīc verba ē multis pauca subtexere, quibus
 Pragā per literas propria exaratas manu Anno 1623.
 Rudolpho à Tieffenbach Baroni Austriaco, præstan-
 ti militum ductori, Viennæ degenti ad Catholicam
 Fidem reditū gratulatus est. Exoscularer inquit,
 tui capitis verticem, si tibi præsens essem.

Vix possum alio clariùs argumento Ferdinandi
 in Deum Fidem, Zelumq; Religionis testari, quā
 adscriptā hic Codicilli parte, quem ultimæ volunta-
 ti adjecit. In hæc verba Heredem ac successores non
 tam alloquitur, quā adjurat. Etsi Nos Ferdi-
 nandus II. Imperator vrgentibus ex cau-
 sis nostrum testamētum ac ultimā vo-
 luntatem scripto consignari jam curavi-
 mus: Dei tamen, nostri, & benefactoris
 summi, & Patris benevoli honor, quem
 procurare ex gratitudine propter accepta
 beneficia tenemur, impulit nos, ut vni-

*Modes inque-
 rit Magnates
 ad Ecclesiam
 reduci*

*Reversus ad Ec-
 clesiam gratu-
 latur*

*Herodi filio
 Catholicam Fe-
 dem codicillo
 commendat.*

versalem Heredem nostrū, dilectum Filium Ferdinandum Ernestum, & post illum futuros successores, iterum novoq; hoc Codicillo, paternē ardentēque moneremus, ut Provincias nostras, populosque, quos eis subditos relinquimus, commendatos ex corde habeant: eos in nostra Vera, Apostolica, Romana, in qua sola salus est, Catholica Fide conservent: Sectas omnes, pravas & falsas doctrinas, imò quidquid his aditum, causam, occasionem aperire posset, senò, omni studio, omni conatu avertant, impedian. Hæc & plura alia in codicillo Ferdinandus. Intelligere porrò ex his licet, quo Zelo amplificandæ, tuendæq; veræ Fidei flagraverit, qui non modò vivus id strenuē curavit, sed etiam moriens ab Herede, ut ultimam suam voluntatem, curari præcepit.

Spes & Fiducia in Deum.

CAPVT II.

SIquam aliam virtutem plenis, ut ajunt, manibus Ferdinando Deus contulit, Spem certē & Fiduciam infudit uberrimē. Dei gratia fretus, & Re-

& Redemptoris precioso sanguine ac meritis, semper salutis suæ procurandæ operam naviter impendit, spe plenus fore, ut æternam ab æquissimo Judice ac misericordiarum Patre assequeretur coronam, quàm Legitimè certantibus ab eo tribui, etiam publico ipse symbolo testatus est. Nihil occurrit unquâ, quâvis arduum ac perdifficile, in quo Deum sibi propitiû non polliceretur. Hinc illud in rebus omnibus, exiguis, mediotribus, maximis, ad Deû, Virginemq; Matrê, Cælitesq; patronos persequium. Hoc enim planè habuit perpetuum, humana media ad effectû consequendû adhibere diligentissimè: ante omnia tamen rem Deo commendare, ac imprimis ab eo felicè sperare ac præstolari eventum.

Longum hic esset rem frequentissimam exemplis omnibus velle confirmare. Plura occurrerent, quàm proposita brevitatis patiatur. Anno 1619. mense Junio Henricus Matthæus Comes Turrîanus, trajecto Danubio, Boëmorum rebellium exercitum ad Viennam, adeoq; etiam in suburbijis ipsis collocarat. Conspirantibus cum Turrîano non paucis, qui in ipsa urbe degebant, gravissimum Ferdinando periculum imminebat. Hæc inter ad aulam se contulit P. Bartholomæus Villerius Soc.^{us} Jesu, Ferdinando tunc Regi à sacris confessionibus, petijtque suum Regi adventum à primo Camerario indicari. Is, dum conclavis, in quo Rex degebat, januiam tactus aperit, mirum planè spectaculum, Regem in-

*Ante Christi
effigiem pro-
stratus orat.*

tuetur ante Christi è cruce pendentis effigiem humili
prorum, dejectumq; jacere. Spectaculo attoni-
tus, Patri Villerio quod viderat aut refert, aut o-
stendit, jubetq; tantisper morari. Sub hæc in Re-
gium conclave Pater inducitur. Tum Rex: **Verfa-**
bar, inquit, Pater, in periculis, quæ domi-
forisq; imminet, recogitandis: volve-
bam animo hostium in suburbij cona-
tus, A catholicorū in civitate molitiones,
quas exactè novi. Cùm nullum ab ho-
minibus præsens viderem præsidium: ad
Deum confugi, quod soleo; dejeci me
ante crucem; meum Dominum adora-
vi; his planè verbis illum sum allocutus.
Domine JESV Christe, generis humani
Redemptor, tu qui corda intueris, nōsti,
me non meam, sed unicam tuam quære-
re gloriam. Tamen si tibi gratum est, his
angustijs, & hoc hostium conatu me de-
primere, pudore suffundere, hominibus
contemnendum dare: non recuso; fiat
voluntas tua; habes me indignum tuum
famulum ad nutum quemq; promptum
para-

paratumque. Has preces vix exsolui, & summa Spe plenus fui. Miram animo tranquillitatem fecit Deus. Irritos conatus hostium, ita spero, Deus efficiet.

Hæc suo confessorio Rex Ferdinandus quem Fiducia non fecellit. Illicò enim adfuit, ut alibi retuli, auxilium, quo & vim & dolos hostium Deus fregit ac animos bonorum omnium crexit. Scio privatè ac publicè dictum à multis, Christum è cruce pendentem fuisse aliquando cum Ferdinando locutum, iussisseq; bene de rebus sperare. Hac super re nihil habeo quod affirmem, vel negem. Si verum est, quod adstruitur à multis; id, sicut & plura fortè alia, Ferdinandi modestia ac humilitas, quoad potuit occultavit. Sed redeamus ad Ferdinandi in Deum Fiduciam.

*Fama Christi-
sum è cruce
Ferdinando
locutum.*

Quo tempore de Fridlandi conjuratione & machinationibus, ac de suo discrimine nuncium accepit Ferdinandus: iniquo facinore hominis, ut par erat, commotus est; verum qui Spem omnem in Deo positam habebat, nihil habuit prius quàm divinum implorare auxilium. Dissimulata causa, Religiosis omnibus Familijs preces indixit; uno Deo inspirante votum concepit, Domuiq; Probationis Socijs. JESU ad S. Annæ, quæ foundationi sufficerent, se tributurum, Deo spondit. Tantam post hæc felicitis eventus Spem hausit, ut alterà ad se luce

*Vobis, & precibus
Religiosis-
rum, summo
periculo exi-
mitur.*

venientem Confessarium, divini jam penè certus patrocinijs, his verbis compellârit. Pater, moneat me opportuno tempore, votum ut persolvam: voui heri dotem Domui Probationis S. Annæ, ex hoc periculo tibi evasero: evadam autem, ut spero, brevi.

Allatum est aliquando, complures Reges, Principes, Respub: iusto fœdere in ejus damna conspirasse. Narravit paulô post hæc ipse alicui ex familiaribus; narrationi subjecit: Agant, quod lubet: spero fore, ut qua facilitate sal aquâ, eâ conspiratio isthæc omnis divino patrocinio dissolvatur.

Allatæ erant literæ Ratisbonam, ubi erat Imperator, quibus certo certiùs asserebatur, etiam Angliæ Regem totis viribus in Cæsarem armâ moturum. Has Ferdinandus cùm legisset, & qui legendas dederat, interrogaret, quid demum fiet?

Aureum dictum Ferdinandi.

Deus, inquit ipse, in cœlo est. Hæc verba tamen si sæpe in hujusmodi occasionibus usurpavit: nunquâ tamen de cœlestis patrocinijs spe magnificentiùs videtur locutus, quàm cùm Græcium Francofurto renunciatus Cæsar rediit. Hic rerum difficultatibus victi dejectiq; nonnulli cùm inclamarent: vix ullam inveniri rationem, quâ aut præsentia mala averterentur, aut imminetia propulsarentur;

Ferdi-

Ferdinandus ad maiestatem simulq; lætitiā compositus, Laboratum est, inquit, etiam aliās olim, & his, & peioribus: novimus Deo non defuisse modos, quibus consilia hominum machinasq; deijceret, quò Ecclesiam suosque servos propugnaret: hodie nec Deo est imminuta potentia, nec deterior facta voluntas; eodem suo hodie sedet in folio, quo olim; æquè potens, æquè bonus; spero in dies meliora.

De hac Cæsaris in Deum Fiduciā una fuit Procerum, militum, civium opinio; illam in Deo Cælitibusq; altissimas posuisse radices; Ferdinandum Deo sic credidisse, ut meruerit, quoties expetijt, toties divinum patrocinium experiri. Sæpius, cum Cæsar insigni aliquo facinore publicè pietatem exerceat, ea vox repetita & audita multorum est, Hodie Cæsar hostium millia aliquot profligavit.

Charitas in Deum.

CAPUT III.

Assidua, de qua suo loco erit sermo, rerum divinarum, Dei que contemplatione affectus fuerat Ferdinandus, ut intelligeret suum illud Bonum amore dignum esse ardentissimo, &

qui Seraphim deceret, ne dicam mortales. Lumini huic, quo honorum omnium fontem Deum noverat, parem in Deum Charitatem exhibere semper contendit; ipsaq; in ara cordis seipsum quotidie amoris flamma conabatur incendere, ut gratum Deo fieret holocaustum.

Amantium cum illud maxime sit, ejus, quem amant, honorem gloriamq; enixe curare: in hoc studium omne operamq; posuit, ut Dei sui gloriam, decus, nomenq; auget in terris. Dignum memoria plane est, quod iterum ac tertio affirmavit: Dei gloriam sibi sic esse cordi, ut illius augmentum si nosset suo decreverit possit comparari, non cunctaretur folio decedere, Coronas ac Sceptra deponere; ad vitam privatam delabi; ad misérias redigi; ad mortem contemptu & probris plenam. Cum preces ad Deum ab alijs postulabat, non petebat sibi hoc illudque à Deo obtineri, in quod fere humanas fertur affectus, sed ut demum id fieret, quo Dei gloria apud homines augeretur.

*Divina gloria
Imperium post
ponit & c.*

Semper detestatus est id omne, quo sciebat Deum posse offendi. Culpam omnem, ac lethale in primis peccatum, ita cavet, ut malorum maximum. Neq; verò crimina, quibus divina bonitas & majestas læditur, in se tantum odit, verum & in alijs. Extant ejus quamplurima in blasphemias, perjuriam, sacrilegia, adulteria, non tam rescripta quam ardentissimi in Deum amoris documenta. Quicumq; in ejus

atq; paulò attentius inspexerunt, vidēre gravissimū illum turbari ac cruciari, quoties vel irreverenter Dei nomen ab aliquo usurpatum, vel cum contumelia traditum audivit. Huc referendū est, Principem alioquī mitissimum solitū p̄nas gravissimas exigere ab ijs, quos audaciores in Numinis contemptum advertisset.

Addamus & tertium eximīe in Deum Charitatis argumentum. Nullā æquē re lætabatur, ac Dei sui cultū ac reverentia. Quando templā celebrari, frequentari Mysteria, divini verbi præconibus frequentēs adesse homines, maximē verò quando Eucharistiā ibi coli vel audiebat, vel videbat, ubi Hæresis tamantē despexerat: tunc verò gaudere, exilire, triumphare. Anno 1630. Styrae ac Wellij: rursus anno 1636. Laureaci ac Lincij, Austriæ superioris urbibus, ad Comitā cum Ratisbonam iret, substitit, ut supplicationibus interesset, quibus in triumphum octo integros dies in Eucharistia Deus homo defertur. Aduēre ijs supplicationibus ex Austria superiori universa mortaliū plurimi, & verò pietatis non vulgaris significatione. Populi frequentiam ac pietatem primum cum voluptate, contemplatus est Cæsar, deinde ad familiārem sacerdotem conversus, quanta, inquit, quamq; liquida existimas me perfundi lætitia, Pater, cum ante meum obitū hoc loco, (Lincij accidit)

Christi in Eucharistiā cultu summo peregrinant.

no. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

ubi non ita pridem in venerandam, & sacrosanctam Eucharistiam acerbè ac impiè declamabatur; unde veluti è malorum quadam scaturigine alij ac alij errores, aliæ post alias rebelliones emergebāt, coram ac præsens video Deo supplicantium cætus pijsimos, Proceresq; ac cives, debitū Deo in Eucharistia, spectāte me, cultum persolvere? hoc verò mihi gaudiorum omnium gaudium ita jucūdam accidit, ut lacrymas cōtinere non potuerim. Ista Ferdinandus Imperator eā tūm cordis tenerritudine, tūm oris, oculorum, totiusq; vultus ad pietatem compositi habitudine pronuntiavit, ut ille ipse, cui dicebantur, Sacerdos, agrè à lacrymis temperare potuerit.

*Recolat quor-
annis natalem
suum diem.*

Cū pro quovis accepto beneficio gratus Deo esse cuperet, singulis annis Natali suo redeunte die hoc impensius agebat. Colebat ea die singulariter Deum, vitæq; authori, ob conservatam ad eum annum vitam gratias agebat maximas; easdem, quovis modo posset ut referret, ad aras agente Sacerdote, tot offerebat taleros, quot numerabat annos. Eodem die venientes ad se e Religiosis Familijs, qui sociorum nomine præces descrebant, quibus illi & pro con-

SACRAMENT: FREQUENTAT: 17.

pro conservato Cæsare gratias Deo agebant, & ut diutius conservatum vellet obsecrabant, planè benevolè ac peramanter, nec sine voluptate excipiebat. Id vero, agebat, mihi percharum est, nancisci homines, qui me in gratijs, quas debeo, nec pares possũ, Deo agendis juvẽt.

Pia Sacramentorum frequentia, ac Eucharistiæ cultus.

CAP. IV.

Sacramẽta uberrimos esse fontes, e quibus bona cælestia in mortales profluunt, semper existimavit. Ut divinæ gratiæ cupidissimus fuit, ita planè frequens hos fontes adiit. Quinquagesies minimum annis singulis & exomologesin facere, & Synaxin sumere cum fuerit solitus, id verò usurpabat vel maxime solennioribus Christi, Virginis Matris, Apostolorum, eorumq; Cælitum, quos in Patronos elegerat, festis diebus: tum sanctioribus quibusdam anni temporibus, Quadragesimæ scilicet & Adventus, quando Dominicis singulis diebus, incidentibusq; festis, & Pænitentia animum sanabat, & Eucharistia reficiebat.

Sapissimè per annum sacramenta frequentabat.

*Medius parauit
di se ad Con-
fessionem.*

Serio ac diligenter, non tamen anxie, utriq; Sacramento parabat sese. Ante Confessionem in amaritudine culpas recolebat: nec antè ad Sacerdotis pedes accidit, quin prius ab Eleonora Augusta conjuge, si adesset, piorum ex more, veniam fuisset precatus, si qua illam re laxisset aut verbo Vesperis ante Synaxin percipiendam, severiore abstinentiâ cœnulam accidit, nisi absolutum jejunium eo die religio imperavit. Ipso Eucharistiæ suscipiendæ tempore tantum ardorem, pietatem tantam, tot suspiria, tot lacrymas præseferbat, ut incensus Dei amore animus planè è corpore servatori suo obuius ire velle videretur. Cùm anno salutis 1624. Sanctioris hebdomadæ feria quinta peccata confiteri, & Christi Corpus publicè, ut habebat in more, participare statuisset; auditâ (fuit vanus rumor,) Confessarij absentia, timuit ne voto frustraretur suo; hoc verò Sacrosanctæ Eucharistiæ illo die percipiendæ adeò inflammatum fuit desiderium, ut illico toto corpore cæperit sudore perfundi. Fluebat adhuc sudor, cùm Confessarius adfuit, suaq; manu, ipso Cæsare invitante, tetigit aquas indices ignis, quem Deus in animo pio excitaverat.

*Desideriū Eu-
charistiæ.*

Hæc Sacramenta cùm frequens ac piè adierit, non defuit alijs etiam ministrandis, qua licuit ratione, piè itidem Sanctæq; cooperari. E sacro fonte toties libens infantes suscepit, quoties vel è Proceribus, vel etiam è famulis domesticis aliquis id expectijt. Si

SACRAMENT: FREQUENTA: 19

tijt. Si quando Regnorum cūris præpeditus adesse non potuit, elegit ex optimatibus, quem suo nomine juberet pio munere defungi. Sacro Chrismate solenni ritu Confirmados, etiam cum voluptate obtulit Antistiti; ea ipsa manu, qua Sceptrum tulit, fascia eorum frontem obstrinxit. Id officij Christiano Gulielmo Marchioni Brādenburgico, paulò antè Catholicis adscripto, cū præstaret in Oratorio Collegij Viennensis Socius. JESV, tanta in utroq; pietas exarsit, ut neuter lacrymas cohibere potuerit.

*Memorandum
pietatis exem-
plum.*

Exigit locus hic, ut solennem Austriacis Principibus in Eucharistiam cultum ac révérentiam Ferdinando II. non modò non defuisse, sed planè præceteris quam plurimis fuisse ostendam. Recurrente tempore, quo Christianorum pietas octo integros dies Eucharistiæ colendæ ornandæq; attribuit, nunquam Ferdinandus à supplicationibus absuit: pedes, nudo capite, sola florea redimitus corona, faciem dextra præferens, quotannis Deo suo triumphanti famulatus est. Accidit aliquando, ut diutius gestatâ face brachium manusq; intumuerit. Subsecuta die supplicationi interesse alteri cū vellet, maleq; affectum brachium è collo suspensum haberet, è Proceribus aliquis Cæsari à face ferenda ea die cessandum asservit; at ipse, superest, inquit, adhuc manus altera, qua Deo serviam.

Christo in Eucharistiâ triumphanti famulari solitus est.

*et quod in hoc
etiam erat
Christi
etiam*

Quando aut exeunti, aut redeunti in aulam occurre-

*Rudolphi I. e-
xemplum fecit
im.*

currebat Sacerdos Eucharistiâ deferens Rudolphi I. imitabatur exemplum. Illicò venerabundus exilicbat curru, fixis etiam lutulenta in humo genibus Deum adorabat: Sacerdotem sive ad ægrotum ab Ecclesia, sive ab illo, ad hanc euntem pedes prosequabatur. Græcij in Eucharistiâ cum incidisset, non modò Presbytero ad infimæ sortis hominem in suburbium properanti præstò fuit, sed ægroti etiam paupertatem mirificâ liberalitate erexit.

*Turbati re-
bus Euchari-
stiam curabat
exponi.*

Plurima illi in tanta Regnorû turbatione, bellisq; difficilia & gravia cum occurrerint, hoc habuit in omnibus solenne, ad præsentem divini Numinis opem impetrandam, publicum Eucharistiz cultû indicere. Itaq; sæpissimè modò in uno, modò pluribus in templis, ipsoq; non rarò Aulæ sacello, Eucharistiâ jussit publicè proponi edîq;. Ipse cæteris ut præiret exemplo, integras ante illam horas dejectus in genua humillimè supplicavit Deo. Statas quadraginta horarum preces, tribus ante cineres diebus, in Societatis Jesu templis institui solitas, frequentavit quotannis, Deoq; in Eucharistia tunc deseruijt profusiùs, cum alij voluptatibus indulgent liberius.

*Amabat pio-
rum Sacerdo-
rum audire
Missam.*

Missæ, hoc est, Sacrificio, in quo Ille ipse est Victimâ, qui summus æternusq; Sacerdos est, non modò intererat puro corde, ac reverenter, sed amavit etiam eos potissimum coram se Sacris operari, quos credidit Deo à pietate ac Sanctimoniam commendari. Ve-

ri Velim nulli unquam excidere, quod adferibō. Nescio qua ex causa factum est, ut ex ijs, qui à Sacris Cæsari erant, nemo aliquando adesset. Ergo loci, in quo Aula erat, Sacellanus ab eo, cui incumbit providere, invitatus est ad Missam coram Cæsare dicendam. Jam Sacerdotalibus ornatus vestibus Sacrum auspicaturus erat, cum Cæsar novum hominem intuitus, ex illo sciscitatur, an Sacra animum exomologesi expiasset? hærente illo, ac facite negante, oporteret, subintulit, antè confiteri.

Oratio, & Lectio Sacra.

C A P V T V.

O Rationis, Sacrarū, & Editionis studium, quo Ferdinandus excelluit, poterit Principibus exemplo esse, quod imitentur. Nemo hominum causari jure poterit publica negotia, quasi ea precādi meditandiq; divina tempus præcipiant. Ferdinandus Imperij, Regnorum, & multarū Provinciarum negotijs distētus, tot bellorum curis implicatus, novus David, ipse Sapties, quandoq; etiam sæpius, in die laudem dixit Deo.

Mane experrectus, invocata primum SS. Trinitate, diem ista Ecclesiæ præcatione auspicabatur.

Per Signū Crucis ✠ de inimicis nostris ✠

libera nos Deus noster ✠. Quibus verbis brevissimam, sed pietatis sensu plenissimam interijciebat meditationem, quæ in precatorio ejus libello inventa est, Per Signum Crucis ✠, in qua Christus JESVS, Dei & Mariæ filius, verus Deus, verus homo, Salvator Mundi, pro nobis, ineffabili, incomprehensibili charitate erga Deum, erga nos homines, humilitate, mansuetudine, patientia, fortitudine, & constantia, atq; paupertate, inter duos latrones passus & mortuus est. De inimicis nostris ✠, Hæreticis & eorum erroribus, Mundo & ejus vanitatibus, Carne & ejus cupiditatibus, dæmone & ejus fraudibus: Libera nos Deus no-

Mane statim à lecto horam orationi tribuebat.

ster ✠. Tu enim solus scis & potes. Strato egressus, antequam cubiculo egrederetur vestibus induendus, integram Orationi præq; meditationi horam, ante altare ad eum usum paratum, quotidie impendit. Orationem conclusit Dominicâ precatatione & salutatione Angelica pro filio Regæ, ante S. Ignatii Cōfessoris effigiē, expansis in crucē brachijs, septies recitatâ; & infixō quinquies in Christi vulnerū honorē, terræ osculo. Cōsuetudinē hanc cōstāter adeo vitâ totâ tenuit, ut ne itinerib; quidē ac in valetudine impeditus eam dimiserit. Libet hic præclarū hujus rei testimonium adscribere. Peraquis Ratisbonæ Comitib; anno 1637. Viennâ movit Januarij die 23.

In rãa maiestatis quanta demissio!

1637

80

codēq;

codēq; Straubingā venit; eā valetudinis conditione ac statu, quem viderunt omnes. Hic ad Cōfessariū, qui æger lecto detinebatur, quas subijcio, sua manu exaratas literas dedit. Reverende in Christo Pater. Hactenus semper in usu habui meas orationes, antequā me induerem, per horam dicere: quod mihi satis difficile erit in hoc itinere continuare; cū quoti- die hora quarta surgere deberem. & licet in illa re planè nullum votum habeam: peto tamen à R.^a. V.^a. consilium, an in aliquo dispēfare possem. Ego, laus Deo, bene valeo. Straubingæ 24. Ianuarij, 1637.

Matutinæ orationis hora absoluta, & mox indutus, duobus Sacerdotibus successivè ad aras operantibus aderat, pietate summa. Secundo Sacro absoluto, Lauretanæ B. V. Litanias Sacerdote præeunte recitabat, nisi ea ipsa die vellet adesse cantoribus musico, illas concentu modulantibus, quod usurpatum vidimus post decantatas Vesperas diebus Dominicis, festisq; omnibus, ac Sabbatis. Die decurrente subtrahebat se negotijs, iterumq; Orationi ac in seipsum inspectioni horam mediam dabat. Ne quidem, cū venationi vel aucupio intentus esset, hæc neglexit. Dum fera expectatur, aut Ardea, ipse Deo plerumq; vacabat & sibi.

*Duas quotidie
Missas audie-
bat.*

*In ipsa Gen-
tione se recol-
legebat.*

*Parabat se
quotidie ad
mortem.*

Vespere, antequam cubitum concederet, mediam horam ut minimum in Oratione & conscientiae examine perstabat, & ad mortē se comparabat, non secus, ac si ea nocte foret sibi moriendum; & in eam rem subnequebat orationem ad B. Virginem & ad Angelum Custodem pro bona morte; unā cum professione Fidei, desumptā ex parte septima Manualis piarū precationū P. Petri Ribadeneiræ, quod assidue & quotidie manibus terebat. Ultimis vitæ annis catarrho gravatus cum facile obdormiret, nō semel visus est ultra horam cum somno luctari, ut preces persolveret. Elconoræ Imperatrici suadenti aliquando, ne tantam sibi vim contra somnū inferret, seq; in lectū reciperet respondit: Placetne, ut pecudis more ad somnū me cōponā?

*Sub nocte
in cubili
suo.*

*Viebatnr iacu
latorijs oratio
nibus.*

Præter Orationes diurnas vocales quotidianas, recitationē Coronæ B. Virginis, ejusdemq; Officii, & Officii pro defunctis, & septenarium Litaniarum (Lauretanarum, omnium Sanctorum, de Nōmine Jesu, ad Sanctos Germaniæ Patronos, ad Sanctos Milites, pro Defunctis, & aliarum ad B. Virginem & Sacra Scriptura desumptarum,) usum quoq; frequentissimum habebat Orationum, quas Christianæ vitæ magistri jaculatorias vocant, quia ijs quasi jaculum ad cælum Deumq; animus celerrimè dirigitur. Vel ipsa nocte intempesta cum evigilaret, in hujusmodi voces erumpebat. Maria Mater gra-
tiae,

tia, Mater misericordiae, tu nos ab hoste protege, & hora mortis suscipe: Monstra te esse matrem: & id genus plurimas. Gravioribus urgentibus periculis psalmos habuit selectos, quibus Dei auxilium imploraret: ij fuere secundus, trigessimus, trigesimo quartus, quadragesimus quintus, quinquagesimus tertius & octavus, sexagesimus septimus & octavus, septuagesimus, nonagesimus.

Divinis Officijs & frequēs & libens adfuit. Cum aliquando asservisset tribus in rebus nunquam sibi tempus longum visum: primo inter eas res loco divina officia memoravit. Non semel accidit, ut Sabato quatuor ab Vrbe leucas. absens, incredibili celeritate accurreret, ut primis Vesperis interesset. Obijcienti stabuli Praefecto perituros eo cursu equos; Pereant, inquit, dum adsumus; alij, qui nos vehant, non deerunt. Supplicationes publicas sic frequentavit, ut omnibus fuerit non ad celebritatem modò, sed etiā ad pietatē incitamentū. Vultu totoq; corpore ad Christianam demissionem composito, manu rosariū seu precatorios globulos gestans & decurrens, uni Deo Cælitibusq; intentus incessit. Græcij Princeps quispiam ad Archiducis Ferdinandi latus incedens, cepit cum eo sermonem, velle miscere: Archidux ad eum placidè conversus,

*Exemplum
imitationis
digni*

Oremus, inquit, nec simus supplicanti po-
pulo

D

pulo

pulo huic scādalo. Sed illud hujus generis admiratione dignissimum. Grassabatur in Imperio Gustavus Sveciæ Rex, & victor susq; deq; miscebat omnia. Urbanus VIII. Pont. Max. ut Catholicæ Reipub. Deum placatum faceret, Iubilæum præcipue Germanis cōcesserat. In eam rem indicta Viennæ fuit supplicatio ab Aulæ templo ad S. Stephani Cathedralē ædem. Hora supplicationis cū adesset, copiosa cæpit effundi pluvia. Fuere, qui Cæsari suaderent, à Supplicatione ut abesset, cælo scilicet graviore ac pluvio; pernegavit. Saltem curru veheretur: renuit. erant lütulentæ plateæ: per lütum incessit. è tectis & canalibus copiosus imber cadebat: cōtempnit. fluebant per compita rivuli, ut à civibus asserculi sternerentur transiture: transivit, amictu vili, manibus madido sub pallio compositis, demissis in terram oculis; cū pilei oras vel limbū dēfissimè ruens pluvia in faciē depressisset, ipsumq; in collum defluens imber penetraret. Hic non silebo, quod inclamavere permulti, eā die, eāq; supplicatione à Ferdinando de Suecō triumphatum esse: eā ejus diei Cæsaris humilitate fractam fuisse viçtoris Regis superbiam. Certè non ita diu post in ipso conflictu glande plumbeā trajeçtus occubuit.

*Ferdinandus
dextra lectione
deditus.*

Supereſt Sacræ Lectionis ſtudioſum. Antequam renunciaretur Cæſar. Suriſ de Sanctorum vitis hiſtoriam ſexies legerat (quod non crederem, niſi ex ejus ore haberem;) nec Imperator renunciatus ab
cale-

ea lectione destitit. Vitas Patrum recognitas legit diligentissimè; eorum etiam omnium, qui sacros ordines vel primò instituerunt, vel ad primam rationem atq; normam revocarunt, aut aliàs nostro sæculo Sanctitate conspicui fuerunt. Nihil unquam ab Indis, Siniis, Japonibus, de Fidei Religionisque Christianæ incrementò aut persecutionibus allatum est, quod non attentè perlegerit. Sacratioribus festis Christi nascentis, circumcisi, à Magis adorati, patientis, resurgentis, aliud atq; aliud quotannis à suo Confessario authorem, petebat sibi suggeri; cumq; postremis annis novi nihil de eo argumèto reperiretur: redibo, aiebat, ad meum Vincetium Brunum, aut Ludovicū de Ponte, quorum meditationes ita sibi fecerat familiares, ut dixerit aliquando, se eas propemodum complecti memoriâ. Quotidie vel unū caput ex libello Thomæ de Kempis, vel aliquot ex eo selectas sententias; rursus quotidie compendium vitæ alicujus è Cælitibus, qui eo die coluntur, legit. At sacros libros, quos Deo dictante exaratos credimus, non modò crebrò, sed planè piè, eaq; quæ decet summi Imperatoris rescripta & præcepta, reverentiâ evoluit expenditq;. Iter faciurus, aut venationis vel aucupij causâ plures dies vel septimanas ab urbe absfuturus, designabat authores unâ deferendos, quos horis opportunis lecitabat. Verbo, lectione ita capiebatur,

ut credam Balthasarem Comitem à Thanhausen, de quo alibi, à Ferdinando, cui erat familiarissimus, hausisse, quod dixit aliquando, cariturum se libentius vivendi quàm legendi facultate.

Conformitas Voluntatis

cum divina.

C A P V T VI.

Divina Voluntas Cynosura fuit Ferdinando, in quam unam intentus, voluntatis suæ navim semper est moderatus. Hoc egit perpetuò, ut disceret id unum velle, quod Deo luberet. Laboriosè quod conatus est, feliciter est assecutus: nam eò devenit, ut in divina voluntate & providentiâ suavissimè conquiesceret. Audivi cum admiratione eum dicentem, Jam pridem curæ molestiæq; me confecissent, ac in sepulchrū abdidissent, nisi me meaq; omnia integrè unius Dei providentiæ commissem, & Jovialem ac lætam naturā Dei dono nactus essem. Et certè fieri vix potuit, ut homo ferret, quæ Ferdinandus tulit, nisi gratum fuisset ea pati, quæ Deus aut inmittebat aut permittebat. Mirabitur posteritas, quod nos suspeximus: in crebris certisq;

Nescit adversis succumbere id volens, quod Deus.

certisq; periculis, quæ ipsi, filijs, genti, provincijs, regnis interitum exitiumq; minabantur, nunquam fuisse dejectum animo; nunquam erupisse in querelas; unam eam vocem emisisse: **Fiat Dei voluntas:** & quod antiquæ patientiæ exemplar Job prædicabat: **Sicut Domino placuit, ita factum est;** sit nomen ejus benedictum. & hac ratione solabatur suos, si quando tristiores conspiceret.

Vir probus, magniq; nominis Dux, cuiusdam Confiliarijs intimis, tùm ei, qui Cæsari à confessionibus erat, dixit aliquando rem in eo esse, ut post Ferdinandum Austriacorum nullus in Cæsarem eligatur; hæcenus Austriacos, ad eam dignitatem divitijs ac potentiâ velificatos esse; hodie Ferdinandi prodigâ liberalitate ea esse subducta præsidia: adeoq; nec divitias superesse, nec vires; ad paupertatem ventum esse, & prope ad egestatem. Cùm ista ad Ferdinandi aures delata fuissent: modestissimus Imperator hæc respōdit. Res mortales omnes suam habere periodum; nasci, crescere, deficere: fieri posse, ut Austriacorum Imperium in ipso concludatur; & si Deo ita visum est, se non modò non refragari, sed nec tristari; Deum suo arbitratu ac volū-

*Magna resty-
natio, simulq;
fiducia in De-
um.*

tate his illisue dare Imperia & Regna; humanis ad hoc aut opibus aut potētia non egere, quas dare & auferre potest cum lubet. Adhæc, Rudolphum I. a Deo electū esse ad solium, cuius tū nec opes nec vires possent cum ijs cōferri, quibus hodie Archiduces Austriæ Dei beneficio pollēt.

Inciderat sermo de malis quotidie emergentibus; bella ē bellis nasci; discrimen ad discrimina gradum fieri; exhaustiri opes; vires enervari. Nunquam Christiano Cæsare vocem magis dignam protulit Ferdinandus. Faciamus, inquit, quod in nobis est, & sinamus hæc & nos a Deo regi ac dirigi, nos ejus cōformemus voluntati, Satagamus ut cælum lucremur & beatitudinem cōsequamur, Deus omnia bene disponet. Cæterum hanc suæ voluntatis cum divina conformandæ curam non in adversis modò sustinendis, sed in prosperis etiam optandis habuit perpetuam. Unico rem hanc exemplo, sed planè præclaro, illustrabo. Fundatæ salutis anno 1616. ad Ferdinandū Græcij degentem Pragā perscriptum est, Maximilianū Archiducē, Rudolphi & Matthiæ Cæsarum fratrem, rem ipsius strenuè agere: dixisse illum Matthiæ Cæsari, nolle se Praga excedere,

*Vox Christiano
Cæsare digna.*

cedere, nisi in Regnorū Provinciarumq; hæredem
 Ferdinandum vidisset adoptatum. Retulit hæc Fer-
 dinandus Rectori Græceasis Collegij Soc^{is}. JESV:
 subinde institit, ut negotium curaret Deo sociorum
 precibus commendari, ita tamen, ut non aliud hi à
 Deo peterent, quàm ut ejus fieret voluntas. Addi-
 dit sub hæc, aurea verba. Pater, sine jactantia
 ac vano tumore dictum volo, hæc meæ
 quotidianæ ad Deum sunt preces. Do-
 mine, si est ad laudem & gloriam tuam,
 & ad salutem meam, ut major sim quàm
 sum: exalta me, & ego glorificabo te. Si
 est ad laudem decusq; tuum, meamq; sa-
 lutem, ut persistam in gradu, quo sum:
 conserva me, & ego glorificabo te. Si est
 ad laudem & gloriam tuam, & ad meam
 salutem, ut in humiliori gradu sim: hu-
 milia me, & ego glorificabo te. Post tam in-
 signe cum divina conspirantis humanæ voluntatis
 exemplum, aliud subtexere hoc loco non lū-

*In quacvis for-
 tuna Deū glo-
 rificare para-
 tus est.*

ber, etsi alia permulta non
 desint.



Devotio erga Virgine Dei Matrem.

CAPVT VII.

Post Deum, Virgini inprimis terræ cæliq; Reginæ addictus fuit. Illi præcipuum non modò cultum, sed amorem etiam impendit. Vt patronam cliēs reverebatur, ut filius amabat matrem. Quotidianum ei certum precum pensum persolvit, dum vixit. Nulla est in utraq; Austriâ, nulla in Vngariæ Boëmiæq; Regnis, nulla in Styriâ, Carinthiâ, Carnioliâ, Bmæ. Virginis pia Sodalitas, in cuius Album nomen suum non retulerit; imò in cuius Album, ejus exemplo, Augusta Conjunx, Rex, Regina, ac liberi cæteri sua quoq; nomina non inscripserint. Petière hoc ipsum in remotissimis Provinciis posita Sodalitia, & inter cætera Insulense apud Flandros, & impetravère facillimè; nihil enim magis optabat Cæsar pijsimus, quàm ut ubiq; inter Mariæ servos nominaretur.

*Sodalitatibus
Parchensis se
inscribit.*

*Et suos Exem-
plo trahit.*

*H. Virg. pere-
grinationibus
colit.*

Ad loca pia, & à præcipuo in Cælites cultu celebriora libenter peregrinatus est, præsertim junior: ad nulla tamen libentiùs, quàm ad Virginis templa. Ejusmodi peregrinationes & Græcio & Viennâ suscepit plurimas, quas hîc referrem, nisi alio loco Lauretanam, Ottinganam & Cellensem, aliaq; id generis

generis retuliffem. Vix unquam, aliquid graviſſi-
momenti ſenſit imminere, quin concepto vel pere-
grinationis, vel donarij voto Virginis opem implo-
rãrit, & obtinuerit. Dixit aliquando, nihil ſe un-
quam à B^{ma}. Virgine petiviſſe, quod non impetrãrit. *Et ab ea qua
petit, impetrat.*
Bona vera & certa petebat ſimpliciter; cætera ad-
jectâ conditione, ſi eſſet e re gloriæ Dei. Ratiſbonæ
1636. cùm in comitijs degeret, peregrinationem
Cellas vovit, & cum eo Auguſta, ſi Ferdinando-III.
Romanorum Regnum ab Electoribus deferretur:
ibidem donarium Bogenbergensi Virginis templo,
ſi Adamus Comes Schyrtzenbergius, Branden-
burgici Electoris princeps Legatus, idemq; Catho-
licæ fidei cultor. (Vir prudens & cordatus, qui ut
revaleret Reip. multum intererat,) ſaniſati reſtitue-
retur. Secuto eventu, voti utriuſq; reus, ſecundum
illico exſolvit: de primo pridie obitus Auguſtam
allocutus, Meminerimus, inquit; Magnæ
Matri reddere, quod vovimus: utriq;e
noſtrum Cellas ire ſi minus liceat, alterum
certè ire neceſſe eſt; quemadmodum poſt anni
primi luctum, etiam ire decrevit Eleonora Im-
peratrix vidua.

Integros viginti annos bellis petitus, armorum
ſuorum ſumam præſecturam ſemper Virgini com-
miſit. Hujus imaginem in regio vexillo, meliori o-
mine quàm aquilã, juſſit militi præferri. Hanc non

*B. Virgo Gene-
ralissima Fer-
dinandi.*

*Ipsè Corò Inin-
rariū eim ul-
sor acerrimū*

modò verbo, familiariq; sermone, sed datis ad Du-
ces literis mandatisq; Generalissimam nuncu-
pavit: non secus ab exercitu voluit coli, quàm ar-
morum moderatricem: in eos, qui minùs reveren-
ter habuerunt, egit ut in transfugas, & non solùm
divinâ sed militari etiam lege reos. Delatum est ex
Italia, à Cæsariano milite Virginis templum dire-
ptum fuisse ac expilatum: illicò sua manu Italico
idiomate ad supremum Tribunum literas dedit II.
Novemb. 1629. quas Latine redditas subijcio.

Dilectè Comes: Per occasionē Mer-
catorum scripsi tibi hodie manè id, quod
intelleximus de excessibus & facinoribus
commissis, uti dicitur, à meo milite ad-
versus Imaginem Benedictæ Virginis &
Sanctissima Sacramenta. Ex alligatis au-
tem literis cognosces plura in particulari.
Chare Comes; nosti quot Gratias & vi-
ctorias acceperim de manu Dei per inter-
cessionem Sanctissimæ ejus Matris, Ge-
neralissimæ meæ. Quòd si verò milites
mei non absisterent ab hisce suis sceleri-
bus; timendum est mutari posse gratiam
in punitionem. Mando tibi igitur quàm
possum

possum seridè, ut super hac re diligentissimam inquisitionem instituas, & fontes severissimo exemplo castiges, quovis respectu seposito; prout facturum non dubito cum Ministrum, qui Gratiâ Domini sui desideret.

S. Benedicti Monachis è monte serrato ab Hispania in Austriam profectis optatum in suburbio Viennensi locum Ecclesiæ in Virginis Dei genitricis memoriam construendæ, Monasterioq; erigendo concesserat Ferdinandus. Tribunus præsidario urbis militi præfectus incommodum ratus, eò loci molem tantam erigi, multa opponebat: accedere ad propugnacula civitatis plus quàm expediat; posse hostibus munimentò cedere, si Viennam contingat obsideri; removenda hæc esse ab arcibus, non admovenda. Cognovit Tribuni querelas Cæsar, & illicò, Deus bone, inquit, quid causatur Tribunus? at ego nullum tuendæ civitati propugnaculum aptius novi, quàm Virginis templum: malo Virginem in proximo colli, quàm in urbe militem esse: securiorem mihi tutelam ab ea polliceor, quàm ab hoc.

Virginis templum, vocat urbium Propugnacula.

-sententia persistere; eo loci, quo dixi, velle
-templum construere; nihil esse quod à Vir-
-ginis templo timeatur, plurimum autem
-quod speretur.

*Condonatione
Perduellionis
redimere Virgi-
nis imaginem.*

Actum est Decembri mense 1636. Ratisbonæ,
ut Laurentio de Hoffkirchen Baroni Austriaco re-
belli, qui plures annos contra Ferdinandum hosti-
bus militaverat, Cæsaris Ferdinandi clementia locū
faceret ad veniam. Erant multa quæ dissuaderent,
unum fuit quod Cæsarem in petita impulit. Dictum
est Virginis imaginem, Boleslavia in Boemiâ cele-
bri populorū accursu coli solitam, in Hoffkircheri
potestate esse; illam recuperari posse, pristinoq; ho-
nori restitui, si ille in gratiam recipiatur. Ut hæc
pijsissimus Cæsar audivit, mandavit nonâ Decembris
litteras patentes expediri, quibus Laurentio Baroni
de Hoffkirchen clementer venia concedebatur, hac
expressâ conditione & pacto, si is Dominæ nostræ
Virginis Bmæ. imaginem, ut pollicebantur, qui pro
illo agebant, secum referret. Ardenter cum Roma-
no Pontifice egit, ut Virginem sine originali maculâ
fuisse conceptam pronunciaret. Hoc idem officij à
Ferdinando filio, cum ipso Conceptæ Virginis die
anno 1625. Vngariæ Rex inauguratus esset, factum
esse magnopere gavisus est. Quandocunq; vel sua
confessorus peccata formulam Ecclesiæ consuetam
præmittebat, vel etiam aliàs recitabat & Deo confi-
tebatur,

*Gloria Virgi-
nis fludet.*

tebatur, post Deum adjungebat B^m. & semper immaculatæ Virgini.

Devotio in Sanctos.

CAPVT VIII.

Qui Cælitum Reginam singulari, ut dictum est, obsequio coluit, ipsos etiam Cælites veneratus est. Quotidie omnes cum Christo regnantes Sanctos in patrociniū advocavit, Litanij piè recitatis. Viros jam æternâ gloriâ donatos, qui vel Germaniani inhabitârunt olim, vel eandem Evangelij luce Deo dedicârunt; eos etiam, qui quondam in terris Milites, hodie in cælo triumphant, veneratus est plurimū; redactis in syllabum eorum nominibus, quotidie illos in obsequij argumentum ac patrociniij spem compellavit. Ordinum Religioforum sanctos Institutores omnes ardenti amore ac honore complexus est. Dies illorum cultui ab Ecclesia præscriptos traduxit veneratione pijsimâ; Tempia, in quibus præcipuus eis honos exhibebatur, quotannis accessit; iussis eodeni ire cantoribus Aulicis, ut musico concentu eorum in terris auget gloriam, quibus ex animo in cælo coronas gratulabatur ac triumphos.

Sancti à Ferdinando culti.

Præcipue Fundatores Religionum.

Damnauit frequenter Hæreticorum furorem, qui vel in Sanctorum imagines, vel in sacra ipsorum

*Honorat sa-
cras Reliquias*

Lipsana debacchantur ac sæviunt. Vtraq; ipse semper thesauri loco duxit, & quo maximo potuit honore affecit. Non publicè modò & ossa & cineres Sanctorum coluit, sed etiam privatè; ipsisq; quas incoluit, in ædibus. Altare, quod ad meditandi precandi; usum in intimo cubiculo paratum habebat, sacris totum exornatum erat Lipsanis, quæ vel à Majoribus acceperat, vel studio ipse laudabili conquisiverat. Manè cum Deum oraturus ad altare illud accessit, ea Lipsana exosculatus, iisdem se in crucis formam signavit. Adhæc die è collo, nocte è lecticâ, cum cereo Agno solenni à Pontifice precatione dicato, suspensam habuit thecam Reliquijs refertam. Audierat Norberti viri sanctissimi, Præmonstratensium Patris, & Magdeburgensis olim Antistitis, corpus nullo esse in honore Magdeburgi in civitate Hæretica; egit illicò, & effecit, Pragam ut deferretur: quâ diè magnificâ pompâ, piaq; supplicatione, è Cathedrali Ecclesia in Templum Præmonstratensium illatum est, non modò ipse pedes, Aulâ totâ præeunte, comitatus est, sed etiam aliàs honoris, obsequij, & pietatis ergò, eò se contulit.

*Sancti Patroni
Ferdinando.*

Cælites omnes ut piè coluerit, quosdam tamen veneratus est impensius, ut quos Patronos adoptarat: ij fuere Joannes Baptista, Apostolorum Principes Petrus & Paulus, Antonius Patavinus, Augustinus, Franciscus, Ignatius Confessor, Theresia. Augusta & alijs sæpius asservit, Sancto Ignatio sua se omnia

omnia peculiari curâ commisisse: voluisse ab illo ^{Et quibus S. Ignatus inter}
sua vota dirigi: per illum Deo exhiberi. His omni-
bus solitus fuit singulis mensibus cum addere, quem ^{primos.}
forte eduât à Sodalibus Virginis Annunciatæ Pa-
tronum accepit. Jam verò Angelo Custodi cùm se
plurimum debere fateretur, egit, ut per Pontificem ^{Et Angelus}
liceret in subditis sibi provincijs octo integros dies ^{Custos.}
illi festos agi à Clero; & verò obtinuit. Ignatij ac
Francisci Xaverij Confessorum patrocinium cùm ^{ss. Ignatio &}
frequentissimè expeteret, non apud unum Pontifi- ^{Xaverij tem-}
cem egit, ut in Sanctorum Album referrentur: à ^{plum extruit.}
Gregorio XV. relatis primus sacram crexit Viennæ
ædem, in qua colerentur.

Reverentia in Sacerdo- tes.

C A P U T IX.

Mortalium neminem in terris æquè reveri-
tus est atq; Sacerdotes, in quibus omnibus
divinum Numen venerabatur & honora-
bat. Sacris initiatum hominem ut benevolè com-
plecteretur, non alius quærendus fuit titulus, quàm
sacrorum. Et si eos coluit officiosius, quos congruâ ^{Prudens dicitur}
sanctitati Ordinis vitam ducere nôrat: tamen & re-
liquos honore dignabatur, solitus dicere, multa Or-

*Imperator Sa-
cerdoti cuius-
que pſentis de-
ponit.*

*Nulli eorū ma-
num oſculan-
dā permiſſit.*

*Diſtum me-
morabile.*

*Eius in ſum-
mum Pontiſi-
cem obſervan-
tia.*

*Cuius arbitrio
graves contro-
verſiæ relin-
quit.*

dini deberi, quæ homini non debentur. Si Sacerdotem (ipſos etiam ſuos Sacellanos,) vocaret, honoris ergo Dominū aut Patrem appellabat. Quemcunq; obvium habuit, poſito pileo etiam Imperator ſalutabat. Auſtriacorum Principum in Germania moeſt, amoris ac benevolentia pignus, manum ad euntibus dare exoſculandam. Ferdinandus, ut libentiſſimè dexteram ſacerdotibus dedit omnibus, ita nulli oſculum permiſit: illud benevolentia, hoc reverentia deberi profeſſus. Auditus eſt non ſine admiratione dicere, occurrentibus ſibi eodem loco ac tempore Angelo & Sacerdote, ſe primū Sacerdoti, deinde Angelo honoris officium perſoluturum.

Ut ipſis, qui Deo ad aras ſerviunt, noluit Deus parem omnibus eſſe dignitatem ac poteſtatem, ita Ferdinandus ſuum cuiq; honorem ſtudit exhibere. Apoſtolicam Romanam ſedem, Catholicaq; Eccleſia in terris caput Romanum Pontificem non modò in honore ſummo ſemper habuit, ſed etiam humilima demiffione veneratus eſt. Vicariam illi auctoritatem à Chriſto tributam, Eccleſiaſticaq; ejus ſanctiones arbitrabatur veritatis cortinam eſſe ac cæli oracula. Tridentini Concilij ſtatuta de Matrimonio, ut primū pseudopaſtores expulit è Provinciis & Boemia Regno, in iſdem recipi voluit & obſervari. Alibi retuli, ob unam Romani Pontificis reverentiam, ſummi momenti controverſias unius ipſius Pontificis arbitrio componendas reliquiſſe.

Nullam

Nullam diem permisit elabi, qua pro Clero universo, pro Episcopis, inprimis verò pro Pontifice Maximo, ad Deum preces certas & statas non fuderit.

Et pro eo quotidie orat.

Quos ipse reverebatur, ægerrimè tulit ab ullo vel despici, vel lædi. Bello cum Venetis excitato, quidam Ecclesiastica dignitate, & apud Cæsarem, autoritate tunc clarus, in Archiducem Ferdinandum minùs modestè dicebatur locutus, usurpato Germanico proverbio, si bene sibi intrivit, bene comedet. Hæc Ferdinando cum renunciarentur, ex adstantibus aliquis subjunxit, hoc videri sibi dictum petulâter & ab homine parum sano ac probò. Sub-

intulit Ferdinandus, Ne sic loquaris: Episcopus est. Memini alio loco me scribere, non antè voluisse assentiri, ut Cardinalis Clefelsius Vienna abduceretur, quàm vidit aliam nullâ superesse viam, quâ ab imminente nece posset eripi. Hæc ejus in Sacerdotes, præcipuè Purpuratos, reverentia factum est, ut Pontifici eundem Clefesium sibi tradi postulanti facillè assensus sit; & demùm opportuno tempore eum Româ Viennâ ad suâ sedè etiâ revocârit.

Episcopi auctoritatem protegit.

Sacerdotem, qui à sacris illi Cõfessionibus fuit, quocunque iret, secum voluit proficisci; ac dicebat æquè sibi gratam Confessarij præsentiam, ac Angeli tutelaris. Venientem, ut confessionem exciperet, aperto capite ad conclavis januam obversus præstolabatur; ingredienti primus, & quidem reverentè, felicem diem precabatur, quod & in ipso mortis ar-

*Confessarij a-
nimatio, et er-
ga eum reve-
rentia.*

ticulo constanter egit. Quod mirè, ipse suis manibus sedem eò tulit & collocavit, ubi à sedente erat audiendus. Volenti id operis aliquando præoccupare Confessario dixit, Omittat, mei id muneris est. Sanè & aliàs sæcularia ac aulica obsequia nō facillè patiebatur sibi à Sacerdotib9 impēdi.

Pietas erga Parentes, & suos.

CAPVT X.

Admirandā in Parentes fuit Pietate ac reverentia. Adduci nunquam potuit, ut acceptum à Patre de gravioribus rebus deliberandi modum immutaret. Suggestentibus alium, Debeo hoc, aiebat, Parentis optimi ac sapiētissimi honori. Quæ ille moriens testamento mandârat, non modò executus est fide summa, sed eadem à suo Hærede servari cupivit. Leguntur super eâ re in Codicillo hæc verba. Quia dilectus noster Dominus ac Pater Carolus fel. mem. Archidux, suo testamento, paternâq; ultimæ voluntati multa, eaq; saluberrima, inseruit documenta, quibus nos super-

Parentis consuetudini modum non mutat.

Eius testamentum religiosè servat, & successoris commendat.

superstitēs ejus filij ac hæredes in Religione tuenda ac erigenda regi debeamus: quod etiā alij charissimi Majores nostri, maximè verò Ferdinandus I. Imperator Avus noster, immortali sua laude fecerunt: volumus nos hic ea omnia & singula repetita cēseri, & haberi expressa; & codicillo hoc filiis nostris, hæredibus, ac successoribus mandamus, ut integrā fide ea complectantur, & exequantur.

In Matrem tenerrimo ferebatur amore, neque ullam neglexit aliquando occasionem ejus vel dignitatis, vel auctoritatis augendæ. Nunquam ab ea fuit compellatus, nunquam eam ipse compellavit, quin flexo poplite fuerit eam reveritus, & Clementissimam Dominam Matrem honoris ergo compellaverit. Rerum jam Dominus, Provinciarum rector, ac matrimonio junctus, Matri æquè fuit ad obsequia, ac antè fuerat minorennis, & sub tutelâ. Dato brachio ascensuram attollebat in rhedam, descenduram excipiebat ac deponebat. Si comitatus illam aliquò, cum illâ rediret ad palatium; ipse equo celerissimè desiliens, præstò erat, ut currum aperiret, ituramq; per gradus suo innitentem brachio sustentaret ac deduceret. Illius nutus Ferdinando erant imperia, quibus non illicò acquiescere summum ne-

Obsequia Ferdinandi in Matrem.

fas esse putaret. Cum utriusq; parentis, fratrum, ac sororum Corda apud Soc^{is}. Jesu Patres aureis argenteisue inclusa vasis Græcij cōdita sint: ibidemq; condi & ipse voluerit: cor tamen penes Matris corpus in S. Claræ poni iussit, ultimum in Matrem amoris nunquam intermortui argumentum.

Conjuges, ut suis locis dictum est, duas habuit. Vtramq; amavit tenerrimè; ubiq; de illis perhonorificè locutus, modos omnes visus est indagare, quibus æquæ earum voluntati gratificaretur. Quotidie priori Conjugi defunctæ, dum ipse vixit, suffragia à Sacerdote ad aras operante curavit, & ei Sacrificio piè ipse interfuit. Eleonoram, quam superstitem reliquit, triplici exornavit corona, Boëmica, Vngarica, Cæsarea. Quotiescunq; hæc graviore morbo aliquo tentata est, ipse de ejus salute sollicitus, ad incolumitatem à Deo illi impetrandam, Religiosis omnibus Familijs preces indixit: distributa in eum etiam finem non exiguâ pecuniæ vi in Sacerdotes ac pauperes, ut & ipsi supplices ad Deum accederent. Cum Ratisbonæ 1636. grave illud Ferdinandus vitæ discrimen subiit ex morbo, de quo alibi sermo fuit; multumq; ad ejus incolumitatem Eleonora Imperatrix contulisset: benevolè prædixit: & tunc, & non semel aliàs, vitam se Conjugi debere. Jucundissimum illi accidit videre à suis filiis Eleonoram coli ut matrem; vicissim ab hac illos diligere ut filios.

Summa,

Summa,

Defuncta conjugis memoria.

Conjugem amat & assistit.

Summa, & fortè cui par non inveniatur, ejus cura fuit, optima liberorum educatio. Præceptores domesticos, Præfectos aulae, ministros cubiculi, non nisi speciatæ virtutis, ac famæ integerrimæ viros, beneq; in Familias religiosas affectos (credi vix potest, quantum in hac una re posuerit momenti,) Filij attribuit. In studijs gravioribus Magistros, ut & Confessarios, de Societate JESU delegit. De profectu in pietate ac literis sollicitus, sæpe de utroque solitus fuit sciscitari. Disputantem Ferdinandum Ernestum, hodie Imperatorem, aliq; literarum exercitia obeuntē, aliquando ipsemet, adductis ex intimo Consilio viris primarijs, voluit audire; & verò audijt maximā voluptate. Decimum octavum annum ingressos filios jussit secretioribus consilijs interesse: primò quidem audire, deinde sententiam quoq; dicere, & ea ratione ad gubernandos populos erudiri. Circa filias eadem sollicitudo, eadem pietas. Matronas selectissimas, virgines integerrimas, gynæceum omnino candidum penes illas voluit esse. Adhæc omnia, suo illos exemplo maxime ad virtutem informare conatus est. Audiui qui diceret Cæsaris filios ac filias non tam virtutem didicisse, quàm ex parentis aspectu hausisse. Hinc illud; nunquā nec correctione, nec asperiore verbo opus fuisse, ut bene agerent; hinc demissa illa liberorum in parentem reverentia; illum ab his, ut Deum in terris, coli; vicissim ab hoc illos diligere, ac e-

*Ejus de liberis
bene educan-
di cura,*

*illius cura fuit
ita.*

tiam honorari. Filium natu majorē, Regio jam diademate ornatum, planè habuit ut fratrem. Ditio-
num, quarū semel voluit penes illum esse dominiū
& regimen, id liberū illi semper integrūq; reliquit,
nec rigidus censor, nec inspector importunus.

*Ferdinandi in
suis amor.*

Jam fratres ac sorores quod attinet, eos bene-
volētia suavissima complexus est. Nihil omisit, quo
illis aut prodesse, aut gratificari potuit. Cum neces-
se fuit sejungi, ac diversis in Provinciis degere, ita
cum fratribus pactus est, ut in mutui amoris sola-
tium & incrementum quotannis, si fieri posset; sin-
minus, saltem quolibet biennio semel convenirent.

Humilitas, & sui ipsius Con- temptus.

CAPUT XL

QUO difficilius est in Coronā ac Sceptro non
superbire, eò diligentiorē dedit operam,
ut Christianā Humilitate ac sui ipsius Con-
temptu animum Orbi imperantem contineret, ne
elevaretur. Summus illi humanæ gloriæ despectus,
eam non quærere, non admittere; de se, nec loqui
magnificè, nec loquentes pronis auribus audire.
Genus illud hominum, qui lucrum habent plausu
Principes extollere, & adulari, aversatus est semper.

*Honores despi-
cit.*

Histori-

Historicos, qui de se scriberet, vel scripturi essent, ut non damnavit, ita nec ambivit, solitus dicere, sollicitū se, ne quid ipse malè agat, non quid Historicus loquatur aut scribat. Quanti se faceret, tertio ante obitum die pronunciavit; suadenti enim cuidam valetudinem ut curaret diligenter, Me verò, inquit, Imperium hodie non indiget: provisum est illi successore, & quidem optimo.

Quando sublimi in folio sedente Ferdinando, positis humi genibus summi Principes ac Magnates immitti in feuda & ditiones supplices petebant (quod sæpenumero accidisse norunt, qui Ferdinandum Imperatorem fuisse meminerunt:) mirantibus, qui aderant, & Ferdinandi potestatem dignitatemq; extollentibus; ut cū supplices essent, quos Orbis adorat: ipse eā gloriæ in scenā positus apud se tacitę hæc sacræ scripturæ verba usurpabat. Domine, non est exaltatum cor meum, neq; elati sunt oculi mei: neq; ambulavi in magnis, neq; in mirabilibus super me: vermis sum, & non homo, opprobrium hominum & abjectio plebis. Quod & aliquædam arcana animi sui cū occasione Coronationis conjugis ac Filij Anno 1627. Confessario Pra-

Quo alij gloriosior, eo sibi ipsi vilior.

gæ aperuisset, illum tamen monuit, rem ut omnino secretam haberet. Simili sui ipsius contemptu & sensu instruebat se, vel cum solenni pompa excipiebatur ab urbibus, vel cum Legatos Regum magnifice missos ipse excipiebat.

Legerat aliquando solito attentius Sacram Regum historiam. sub hæc venienti ad se Confessario hoc retulit, adjecitq; videre se paucos e Regibus illis divino præconio commendari: plerosq; depravatis fuisse moribus, & corruptissimos. Hæc cum confirmasset Confessarius, addidit, ex ijs ipsis, qui laudantur, aliquos post præclarè gesta elatos superbiâ corruisse, gravissimum inflare periculum pijs Regibus à superbiâ; illis timendum esse naufragiû in portu magis, quàm in mari; salvâ nave, quàm fractâ: meritò experientia edoctum inclamasse Davidem, Non veniat mihi pes superbiæ, Ad hæc Imperator. Spero fore, ut me hoc discrimine eximat Deus. Vbi primum prosperè aliquid evenisse nunciatur, flecto genua: Deo gratias ago: ejus id opus esse profiteor, non meum.

*Egregium con-
tra ruinâ sal-
cimentum.*

Reparatæ salutis anno 1598. in ipso Michaëlis Archangeli pervigilio adfuit Ferdinando tunc Archiduci, qui testaretur executioni esse mandatum, quod tanto molimine conatus fuerat: excessisse;

Græcio

Græcio Acatholicis Doctores: peste illâ civitatem liberam esse. Facinus immortalî memoria dignissimum, & quod potuisse fieri fatemur, quia Ferdinandi constantiâ scimus esse cum, videbatur animum vel gloriæ inimicissimum posse ad sui laudem erigere; at Ferdinandus illo audito exclamavit. Non nobis Domine, non nobis, sed Nomini tuo da gloriam: nullaque interposita mora in conclave se recepit, positisque genibus, quo maximo potuit demissi animi sensu, Deo gratias egit.

Anno 1634. Septembris die 10. literis à Ferdinando filio Rege acceptis cognovit de Victoria ad Nordlingam; caesos hostes ad internecionem; vix paucos fugâ sibi consuluisse; capta tormenta, vexilla, impedimenta omnia; videri eâ victoriâ posita fundamenta non solum gloriæ, sed etiam securitatis. Prælegit has literas Cæsar e familiaribus undum legeret, solutis veluti rivis ubertim flevit: inter lacrymas hæc tandem post literas locutus est.

Magna Deus in nos contulit: at ego pergam in simplicitate meâ; ero in oculis meis post isthæc humilis magis quâ antè.

Hec solum modo crescere potest, qui sumus est.

Nihil verò habuit antiquius, quâm solennem indicare gratiarum Deo actionem.

Possent hic insignia se ipsi contemnentis, ac ad humilia deicientis documenta referre, sed præstat alium in locum ea differre, eò scilicet, ubi, quæ

*Non obest Ma-
iestati Humi-
litas Christiana-
na.*

in pauperes contulit, exponam. Vnum hic apponā. Famulorum, ut levissimè loquar, negligentia sæpe dominos adigit, ut acerbius vel inviti loquantur. Ferdinandus hoc habuit in more: si quādo verbum exciderat, quod tamen rarissimè fiebat, quo quem debuit corrigere, censeret fuisse perstrictum; datā sive præoccupata occasione illum eā verborum benignitate alloquebatur, ut videri posset quadam ratione deprecari. Id autem agebat animi demissio-
ne summa quidem, quæ tamen Cæsarem non dedeceret. Est apud Christianos Humilitas, quæ Majestatem non dedecorat, sed ornat.

Sinceritas & animi Candor.

CAPUT XII.

Hanc verò virtutem nemo in Ferdinando non prædicavit. Nullus in illo dolus, nulla fraus; in ore quod in corde, in corde quod in ore; sensa verbis, verba sensis respondebāt; fingere, fallere, ab ipsius sinceritate alienissimum; colores adhibere, ut spectantibus imponeret, exosum; uno candore, eoq; nativo, omnium oculis & animis lucem & serenitatem veluti affundebat; frons, oculi, vultus, incessus, tota corporis habitudo hanc animi sinceritatem præferebant.

Artem

Artem illam regnandi, quam multorum error in furo & fallacia ponit, Regnorum exitium vocabat; detegi tandem fraudes, hoc est, subtrahi fulcra, & Regna corrucere. Sæpe non sine stomacho miratus est & questus, Principes reperiri, qui dolo velint niti, aliudq; verbis præferre quam animo. Hoc verò nec Christianum esse, nec nobile; multo minus aut Regium, aut Cæsareum.

*Præm Regno-
rum exitium.*

Ex Aulicis quispiam non genere illustrior, quam Ferdinandi in ipsum amore, commendatitias ab illo poposcerat, & verò gratiosè impetrarat. Rescivit hoc ex Aulicis alius, primario munere apud Ferdinandum, & ejusdem favore etiam nobilis, arbitratuq; eas literas rebus suis obfuturas, clam Aulae Cancellarium adiit: quasi ab Archiduce missus, significat commendatitias posse quidem expediri ac tradi; at voluntatem Principis esse, ut suis illas literis Cancellarius comiteretur, viroque Principi, cui Aulicus commendaretur, significet Archiducem commendatitias negare haud potuisse, ne, qui petierat, tristis abiret; cæterum gratissimum sibi fore, si nullum faceret commendationi locum; non videri, quod Aulicus petebat, è re aut postulantis esse, aut postulati. Miratus est hominis verba Cancellarius: cumq; candorem Principis nossset, veritus est fraudem in Aulico. Ad Archiducem se contulit; quæ acceperat mandata, exposuit. Vix æquè quisquam vidit Ferdinandū comotum, ac eo tempore Cancellarius.

*Ambitiosus
precipit.*

Ergone, inquit, homo iste fucatum me, fallacem, fictumq; ausus est fingere! malo quovis in genere malè audire, quàm in hoc: has artes meus candor non habet, nec habebit unquam. Tu exequere, quæ dixi: ille munere ac Aulâ sine morâ excedat. Nec in me, nec in mea Aulâ dolumpatiar, aut fraudem.

*Candor non off-
fendit.*

Si eos, quos familiarius noverat, sciret aberrare; mira animi sinceritate atq; candore monebat: nihil dissimulabat eorum, quæ in illis non probaret. Aiebat hoc esse suis prodesse, candidè agere. Morem hunc etiam cum summis viris Principibusq; tenuit constantem, nec tamen ullum unquam sibi reddidit admonitione offensum. Nimirum quam monentis sinceritas cõdit, nulli est amara correctio.

Contemptus honorum & Opum.

CAPUT XIII.

Visus est cum Ferdinãdi animo Deus certasse. Ille honores contemnere, negligere: hic cõferre, aggerare. Vt plurimos in illum Deus contulerit, ille tamen in contemptu perstitit, nec æstima-

æstimavit, quos non ambivit. Anno à Virginis partu 1627. coronâ redimitus, & chlamyde ornatus Cæsareâ, spectavit Pragæ è solio pontificis, quâ ipso iubente, Boemiæ Corona delata est Eleonoræ conjugis, ac Ferdinando Filio. Rem visus est attentius contemplari & expendere. Ad conclavem cum è templo se tulisset, cuidam familiari de tota ea pompâ hanc dixit sententiam. Gloriâ omnem Regiam ac Cæsaream omnino videri sibi comœdiam: interfuisse, cum Academici juvenes agerent in scenâ: interfuisse jam Conjugis ac Filij inaugurationi: unum inter scenicos Reges ac istos se reperire discrimen, nec plura: illos horas aliquot, hos aliquot annos regnare: gloriâ se non multum differre, differre aliquid temporis diuturnitate.

*Regum gloria
Comœdia est.*

Cum videret novos quotidie hostes insurgere, novas suis coronis insidias quotidie strui, novas machinas, ut è solio ipse deiceretur, fieri; Tantine, inquit, est diadema? ego verò, si quæ Deus meliorè Imperio decrevit præficere, paratus sum sponte Sceptrum manu, diadema capite deponere.

*Merito regnat
qui ita sentit*

*Recte Ferdina-
di intentio in
Imperio capessendo.*

Postquam inauguratus Cæsar Græcium Francosurto advenisset, dignam se protulit sententiam. Se Francosurum Imperij coronam suscepisse, non ut suam, sed ut Dei gloriam augeret, & commodo publico prodesset; quin imò se in sui electionem consensurum non fuisse, nisi hunc finem præfixum habuisset.

*Honores parce
admitte.*

Honores, quos populi Regibus exhibere solent, cum eos petie triumphantes in urbes ac provincias inducunt, uno hoc titulo probabat, sibiq; exhiberi patiebatur, quod eâ pompâ in populorum animis erga Reges excitetur veneratio, quæ facit, ut Magistratui libenter subsint. Cæterum id quoq; honoris genus ipse infra se habuit, ac aliquando recusavit. Moderationis huius ultimum argumentum reliquit paulo antè quàm moreretur. Revertentem ex Comitibus Ratisbonâ civitas Vienna, totaq; Austria, solenni apparatu excipere decreverat, & in promptu erant omnia; cum ille consuetâ modestiâ iussit, ut ne Procures venirent in occursum, quod facere & quidem splendide constituerant, sed ejus adventum in palatio, in quo salutaturus illos erat, præstolarentur. Ne tamè aut illi, aut cives officia sua despici putarent, Servent eâ, inquit, præstentq; Romanorum Regi brevi adfuturo. Retuli
suo lo-

suo loco Christianæ moderationis exemplum, quo anno 1595, effundi sibi obviam Provinciam, aliâq; id honoris signa edi noluit, cum adolescens annum agens decimum septimū Ingolstadtio Græcium reverteretur, Provinciarum gubernacula suscepturus.

Jam verò opes aurumq; ac quidquid mortales pleriq; suspiciunt, & labore summo quærunt, non modo contempsit semper, sed planè irrisit. Ex ingenti auri argentiq; summa, quæ rebellium Procerum crimine, ac pœnâ ad Fiscum Regium devoluta est, Cæsar nihil sibi retinuit. Dixit non semel, eodem apud se loco esse aurum ac lutum. Nisi bene de Principe ac Republica meritis in laborum præmisi auro argentoque satisfaciendum foret: se verò de metallis nec cogitaturum aliquando. Verum cum de pene profusa Ferdinandi beneficentia dicâ, tunc aperiam quo loco opes habuerit, & divitias.

*Ein fſchem mi-
nime arabi-
ſche.*

*Ein fſchem mi-
nime arabi-
ſche.*

Mortificatio, & Pæniten- tia.

CAPVT XIV.

CUm in Ferdinandum hostes multi conspârînt; à nullo sibi æquè timuit, ac à se ipso. Sive hanc veræ gloriæ magis plenam, sive magis necessariam celsæque victoriæ, in nullam æquè ac in hanc intentus fuit. Accerrimè in carnem ac

*Alis lenis, sibi
ſeverus.*

nem ac animam suam pugnavit; multaq; cæteris hostibus cõdonanda cùm arbitraretur, sibi patissima condonavit. Animo corporiq; assiduus laboribus, curis, molestiisq; exagitato domi raro recreationem concessit; colloquia cum conjugè & Liberis à prandio ac cænâ, quando ejus opera bono publico necessaria videbatur, omnino brevía; oblectamenta cætera fere nulla, nisi quæ vel in hospites benevolentia, vel Aulæ consuetudo imperaret. Semel, ac iterum quavis hebdomada secessit venationi vel accupio daturus operam, tùm ex Medicorum, præscripto, ut valetudini consuleret, ac ad labores rediret vegetior; tùm ex ratione, quod hanc voluptatem inter omnes maxime judicaret innoxiam; tùm verò etiam ut sese cæli aërisq; injurijs ferendis assue faceret.

Sensuum moderatio.

Vision.

Oderatum.

Mira in sensus omnes, ac perpetua animadversio. Quod Job olim prædicabat, planè factus pepigerat cum oculis, ut ne cõgitare quidem de Virgine. Fuere, qui notarunt illum in mulieris formam nunquam defixisse obtutum, & singulari studio oculos in officio continuisse. Cõsuetum nostro tempore, conclavia ac ædes magnatum odoribus suavolentibus afficere ad voluptatem: delicias hujusmodi non admisit unquam Ferdinandus. Quod ministris cubiculi, & ijs, qui iter facienti hospitia parabant, adeò notum & certum erat, ut si quid tale in tanti hospitis honorem à domino domus procuratum fuisset.

tum fuisset, ad illud diffundendum dissipandumq; portas ac fenestras omnes aperirent. Gravem naribus odorem ac fætores non modò, cum posset, non declinavit operosius, sed cuidam super ingrato odore quid excusanti, **Non est hoc, inquit, necesse: odorum delicijs non tangor: fætores non magnopere averfor.** Dum accumberet, cibo potuq; planè vulgari contentus, non querebatur vel datum quod nollet, vel secus conditum ac vellet. Musicum concentum inter epulas non excludit, imò procuravit sanus, & æger: non solum, quòd suapte natura eò ferebatur, sed etiam, & multo magis, quòd ex eo vires animi sentiret instaurari, & satius putaret audire quàm loqui. Cæterùm attentiores aures canentibus dabat, cum sacrum aliquid concinebatur, quàm cum profanum.

*Gustum.**Auditum.*

Somno non amplius dedit, quàm natura & necessitas exigeret. Certè horas non plures quàm septem quieti tribuebat. Vltimis annis pituita ac gravioribus humoribus gravatus, frequenter vel dormitabat, vel dormituriebat, sed ita cum somno lullabatur, ut plus à pugna cruciatus, quàm à somno commodi referret. Accidit, ut minister cubiculi, cui vespere horam, qua lumen inferret, & cum excitaret, præscriperat, mediam horam adijceret, ratus Imperatori longiorem somnum esse necessarium. Improbavit factum, & vetuit, ne aut ille, aut alius

*Somnum quod melle
suavem.*

H

posthac

posthac simile quid auderet: non esse somno dandum, quod negotijs debetur: hac indulgentiâ moveri sibi loco omnia, quæ agenda illo die disposuerat.

*Corporis casti-
gatio.*

Corpus jejunijs, flagellis, cilicijs castigare arbitrabatur necessarium, etiam ijs, quos vestit purpura. Extat in hanc diem flagellum multo conspersum sanguine, quo fluebat, cum se cæderet. Majoris hebdomadæ feria sextâ supplicationem cum spectaret, plurimosq; in seipsos flagellis savientes intueretur: Eleonoræ Augustæ, quæ aderat, affirmavit invidere se illis, quibus eâ libertate sese cædendi uti liceret, se aliquoties optasse illis misceri, & verò etiam indagasse, quâ via in id cæteris ignotus deveniret; plus optasse, quàm potuerit assequi.

*Optat se flagellari
in genere.*

Alio loco memini me scribere, solitum illum, ætæ plurimum detrahere, quando sacram synaxin voluit frequentare: diebus, qui Virginis Matris festa præcurrunt, non modò sibi, sed Aulæ toti abstinentiam indixit. Cilicio indutus est frequenter, ijs vel maximè annis, quibus aut cælebs vixit, aut viduus. Nunquam asperius carnè afflixit, quàm sanctioris hebdomadæ feria quarta, quinta, sexta: tunc jejunio flagella, flagellis cilicium, cilicio vigiliæ adjunxit, longioresq; orationes & lectionem.

Castitas

Castitas.

CAPVT XV.

Post assertas Ferdinandi pugnās in carnem, facile est ejus Castimoniam ac pudicitiam contestari. Illis pugnīs hāc paratur, præmiūq; seipsum edomantis est, corporis mētisq; integritas. Adolescens, ejus ætatis decus longè pulcherrimum credidit esse Castitatem. Aulicum nescio quē, viam ad impudica monstrantem, & ut perfrixi frontis erat, opem spondentē, adhuc juvenis, nec dum matrimonio junctus, jussit Aulā excedere ac servitio. Odisse se aiebat inter servos, Veneris mancipia & cupidinis.

Castā eim Adolescentia.

Provincijs præpositus & Regnis, cūm fæminas audire ex munere teneretur, nullam unquam solus audivit, ne quidem Principem. Colloquio vel suam conjugem adesse voluit; vel petentibus aures dedit; cūm in publicum proditurus Aulam universam comitem & testem habuit. Ante conjugium nullam cognovit; viduus sex annis, in ipso ætatis vigore, ab anno videlicet suæ ætatis trigésimo sexto usque ad quadragesimum secundum, etsi neque stimuli neq; occasiones defuerint, eodem rigore vixit. Matrimonio junctus sic se habuit, ut plenissimam castimoniz conjugalī fidem conjugī effecerit. Scio ab Augustā dictum, eā apud se integritatis in opinione

Viduar.

Conjugio.

fuisse Ferdinandum, ut vel cum puellâ deprehensum in thoro, nefas crederet cum impuditiâ damnare: obfirmatum validiùs ejus fuisse animum in Castitate, quàm ut vicina ea machina posset convelli, aut moveri.

Honestas a-
mor.

Non lingua magis quàm auribus turpia exclusit; nullum ex ejus ore verbum non purum, nullum, foedum; coram illo turpia effutire, aut quæ libidinem olerent, nemo planè unquam ausus est. Si quādo, vel ut consuetudini daret aliquid, vel ut Aulam recrearet, passus est ab histrionibus in scena agi, præmoneri curavit seriò, modestiam ne oblivisceretur; scirent se agere coram Cæsare, qui in Comœdia primas pudori ac verecundiæ tribueret; minas addi, si quid auderet quispiam.

Odiū Turpi-
tudinis.

Vt homini fieret offensus, imò implacabilis, satis erat nōsse vel adulterijs obnoxium illum esse, vel concubinis. Neminem excusabat vel Sangvinis nobilitas, vel rerum gerendarum peritia. Constat etiam è Proceribus aliquem noxium repertum maluisse sponte solum vertere, quàm iram casti Principis experiri. Extant graves in adulteria ac incestus, & quæ sunt alia libidinis opera foediora, ab eo lata leges, & pænæ capitales. In Judicijs solitus in commiserationem erga reos declinare, damnatos adulterij ea gratia non est dignatus. Possem vindicis severitatem comprobare exemplis, sed non libet damnatorum famæ insultare,

Patientia

Patientia.

CAPVT XVI

Quanta hæc in Ferdinando fuerit, uno possum argumento sat probare. Tot ab Acatolicis impetitus injurijs, tot ac toties ab hostibus iniqua & indigna perpeffus, nunquam aut verbo quæpiam acerbius incusavit, aut animo commotus gravius indoluit. Mirati sunt familiares esse Ferdinando stomachum, qui silentio posset tam dura concoquere; non queri, non protestari, non expostulare. Non me fugit paulò altiùs fuisse ejus animum tacitum, cum ab ijs, à quibus minimè oportebat, obstacula poni vidit, quo minùs Germaniâ tota Catholicam Religionem restitueret. Verùm de his etiam temperatè locutum scio, ut non impatientia in adversarios, sed commiseratione in eos, quorum intererat, agi in querelas constaret. Arma ipsa non tractavit ex ira in aliquem.

*Adversariorum
vicem dolet,
non suam.*

Gravissimum offensæ genus, & toleratu præ cæteris difficile, verbis impeti ac traduci, ita tulit, ut nec sentire visus sit. Fuere ex ejus Adversarijs, qui impotentia animi indignis tanta majestate verborum injurijs illum sangvinarium canem, cæcum nebulonem, homuncionem ac Ferdinandulū compellarunt; novit hæc ipse de se dicta, nec tamen indignatus est. Anno 1599. Græcij publicis in Comitijs Acatolicis

*Calumnijs non
moresur.*

*Maledicos
fert.*

Proceres ausi sunt amaris in præsentem verbis invehi, quam ille urgebat veræ fidei restitutionem, miseram ac deplorandam persecutionem, conscientiarum tormentum durissimum appellarunt. Nonnemo (ille ipse, cui nomine cæterorum ex officio loqui incumberebat,) adeo aculeatè, temerè, averse, atque impudenter in Archiducem debacchatus est, ut illos ipsos, qui cum ad liberè loquendum hortati fuerant, puduerit audaciæ. Ferdinandus & obloquentem patienter audivit; & qua pollebat potestate, cum posset ulcisci, maluit patientiæ quàm potentiæ præbere documentum. Sat habuit, quam proposuerat fidei restitutionem, constanter urgere; maledicta & scommata animo tulit æquissimo.

Tot jam annos pertinaciter commota, bellisq; involuta Germania, plurimi in lucem emissi sunt libelli tenebris dignissimi, quibus Ferdinandi nomen ac gesta indignissimè sunt traducta: homines obloquendi libidine perciti ficta pro factis, falsa pro veris orbi obtrusere. Videbantur non redarguendi modò, sed graviore animadversione monendi. Ipse nec famosis libellis commotus est, nec in auctores iussit inquiri, nec ipsa quidem adversariorum mendacia scripto optavit à quopiam constari. Delatum est, hominem, qui se Catholicum dicebat, olim à Ferdinando & honoribus & opibus auctum, in urbe Catholica editionem moliri libelli, qui plures in Cæsarem calumnias ac injurias haberet. Æquissimū erat de

erat de ingrato homine pœnas exigere: ipse nil actū
ultrā voluit, quā editionem impediri. Viennæ
quis multorum criminum reus Judicum sententia
jussus erat multa pœnarum genera subire, ac ipsam
postea mortem. Hic idem quia verbis mendacissi-
mis criminatus Cæsarem fuerat, Iudices, ut abscissa
linguā crimen lucret, pronunciârunt. Venit ex mo-
re Judicum sententia ad Cæsarem recognoscenda:
is linguæ pœnam expunxit, & vetuit in sententiâ me-
morari, quæ reus effutiverat maledicta.

*Exemplū cle-
mentia in ma-
ledicum.*

Juvat magnorum heroum minores etiam vir-
tutum actus cognoscere. Quotusquisq; est, qui fa-
mulo persæpe non irascatur, ac verbo saltem non
exprobre negligentiam? Sæpe accidit, ut incusan-
tibus cæteris quorundam in Cæsaris servitio aut tar-
ditatem, aut incuriam, ipse non patiēter modò tu-
lerit, sed etiam excusari. Vbi cæteri solent amare
indignari & irasci, ille visus est festivè joci. Vene-
rat Pragam ex longo itinere: arcem ingressus posue-
rat ocreas: & parata erat cæna. repente vident nec
calceos adesse, nec crepidas, eum nondum adessent,
qui impedimentis præerant. Cæteris indignè fa-
mulorum negligentia ferentibus, ipse nullo offensi
animi signo dato, **Accumbamus,** inquit, **men-
sæ:** quid calceis opus aut crepidis? tem-
pestas frigida non est.

*Incumbat patien-
tia.*

Constantia in adversis æquè ac prosperis.

C A P V T XVII.

*Adversis non
dejectur.*

N Vbilum ac serenū sunt Mundi inferioris vi-
ces, cælum nunquam mutatur. Planè, quī
Ferdinandum norunt, asserent cælo similli-
mum ejus fuisse animum; illum prospera & adver-
sa infra se despexisse; nunquam turbatum, nunquā
mutatum. Quā constantiā tulerit adversa, historiā
totā narratum est. Si cui enim Deus adversam for-
tunam irridendam unquam objecit, certè objecit
Ferdinando. Quæ ejus vitæ pars molestiarum ex-
pers fuit? quæ Regna sine adversarijs aut adijs, aut
retinuit? quoties à fide Principis Provinciæ & Re-
gna excidère? quoties arma aut malè administrata
conjecere Cæsarem in angustias, aut hostium vi re-
tusa locum fecere calamitati? Eò non semel devē-
tum est, ut actum proclamaretur. Hæc omnia con-
stanter tulit, nunquam dejectus, semper in spem e-
rectus meliorum.

Inter admiranda numerari etiam debet, quod
sæpe in Ferdinando Consiliarij suspexere. Eādem
tranquillitate animi, eādem vultus orisq; serenita-
te perstitisse post clādes auditas, quā antè fruebatur.
Sæpe contigit, ut uno mense plurima evenisse ad-
versa

versa cognosceret; malè pugnatum, factam rebellionem, urbes ab hostibus occupatas. Credidimus saltem vulnus vulneri additum effecturum, ut commoveretur. Eâdem constantiâ secundum ac tertium excepit vulnus, quâ primum. Anno 1616. quindecim dierum spatio mortuus est Maximilianus frater; Maria Anna conjunx, quam oculis chariorem habuit, excessit vita; Gradiscanû Præsidium à Venetis obsidione cinctum est; P. Villerius, cui à Confessionibus se suumq; cor commiserat, Româ (quò in causa Religiosi sui Ordinis à superioribus missus fuerat,) rediens captivus abductus, & in carcerem Veronæ detrusus est. Idum, idui incurrentem excepit intrepidus. Non modò se non dejecit, sed alios dejectos potuit erigere, hortatus, ut forti animo paterentur, quæ Deus immitteret exercitia virtutis. Primas duas proles, quæ charissimæ solent parentibus esse, tantum illi licuit videre: illicò à Baptismate extinctas. Nullum excidit ei aut verbû amarius, aut flebilis ejulatus. Sat habeo, aiebat, meorû filiorum ortu & occasu auctum in cælo esse numerum infantium, quorum ore Dei laus perficitur.

Jam alteram fortunam, quam difficiliùs humanus animus solet concoquere, æquè constanter tractavit ac primam. Nullius felicioris eventûs causæ elatus est animo, nullâ prosperitate intumuit. Cæso

*Non excolitur
prosperus.*

ad Pragam in albo monte hoste; recuperatâ Regni Boëmiae Coronâ, ipsoq; Regno; pseudo Rege Boëmîâ adjunctisq; Provincijs excluso; vultum haud mutavit. Sat habuit Deo publicâ supplicatione gratias agere; cæterum gaudio vehementiori non est visus proflire. Animi constantis hæc æquitas cum Gabrieli Betlemio narraretur, ingens ejus animo timor infectus est. difficillimum fore contra hominē pugnare, quem nec adversa deiiciunt, nec secunda extollunt. Gustavo Adolpho Sueciæ Rege in Lucensi pugna interfecto exiliere gaudio, quicunq; cū Cæsare sentiebant. plerique lætitia perfusi hostibus insultare? inelamare eā eadē debellatum esse: nulum jam superesse timori locum. ipse immutatus unum dixit. In humilitate progrediamur; demisse rem Deo commendemus.

Creditum est eò collimasse bella tot annos pertinaciter producta, tam firmos hostium conatus, ut Cæsarum series tandem in Austriaca Domo concluderetur; aliò transferendum aliquando sceptrum & coronam; diutius quàm publicum bonum pateretur in ea Familia perstitisse Imperium; Ferdinando II. non substituendum III. Ratisbonæ Electorū suffragijs firmatum etiam hac vice est in Austriacis Imperium; Sceptrum & Corona delata sunt Ferdinando III. Audivimus ipsa die, quā hic Romanorū renūciatus est Rex, non vulgi modò sed Procerū voces, ho-

*Ob constantiā
inimiciæ ter-
roris est.*

*Ex modestior,
quò felicitior.*

*ex illo - modò
audivimus*

5. 1. 66

1

ces, ho-

cēs, hostibus insultantium; conoidisse machinas tor-
 annorum labore instructas; exaruisse spem targa no-
 magis auri quàm sanguinis profusione irrigatam;
 irent, & Austriacæ potentia ac felicitati adversare-
 tur; esse cum Cæsarem, qui ut ne esset, penè esse-
 cære inimici, ut Germania tota non esset, aut esset
 bellis, peste, fame exhausta. Unus Cæsar in effusa *semper sibi se-*
 cæterorum lætitia visus est moderatè lætari, nullum *milis.*
 in adversarios verbum, nulla exprobratio. Egressus
 conclavi, in quo Filius suffragia ad Imperium tulerat,
 ante aram positis genibus cum Simcone decinit.
 Nunc dimittis servum tuum Domine:
 secundum verbum tuum in pace. Quia
 viderunt oculi mei Salutare tuum. Quod
 parasti ante faciem omnium populorum.
 Lumen ad revelationē gentium, & glo-
 riam plebis tuæ Israel. Atque Deo gratijs
 vultu, in quo nemo quid insolentius videret, cætera
 profecutus est, quæ ritus exigit diei illius.

Labores.

C A P V T XVIII.

O Tium in nemine unquam mortalium pro-
 bavuit, in se omnino nunquā est passus. Au-
 divi Aulæ Cæsareæ Præfatum Leonardum *Negotiosissimus*
Imperator.

Helfridum Comitem de Meggau contestantem, se nunquam ad Cæsarem intrasse, (intrabat autem ex munere frequentissimè) quin illum in opere deprehenderit, legentem, scribentem, audientem, orantem. Non sine voluptate commemorabat, se à Deo insigne beneficium accepisse, quòd labores amet, ipsq; deleatur. Sæpè à prandio, aut à cæna, vix ultra quartam horæ partem sibi indulgit, quam cum conjuge & Liberis suaviùs transigeret: illicò ut plurimum sese ad negotia pública & labores referebat.

Valens & sanus consultationibus adfuit & præfuit semper. Cùm non rarò rerum, de quibus fuit agendum, aut multitudo, aut difficultas quatuor in deliberatione horas consiliarios detinuerit, nò modò non recessit, sed cæteris laborum gravitatem aut accusantibus, aut molestiùs ferentibus, ipse lætatus est occasionem laboris uberrimam non defuisse. Solitum dicere accepimus, tribus rebus sibi occupato tempus nunquam visum longum, divinis Officijs, consilijs, venationibus.

Libellos supplices ad se delatos (quos plurimos fuisse necesse non est dicere agèti de Cæsare) omnes ac singulos quotidie legit labore incredibili. Lectis sua manu adscripsit, quem ad Cancellarium essent transmittendi. Ut constet, qua cura legeret; aliquândo evenit, ut secretarijs inter referendum non nulla exciderent. Id notavit Cæsar, & quod illi omiserat, felicitate memoriæ, qua pollebat prorsus admirabili,

hic requiritur

*Trium non-
quam molestis
ant longa.*

*Labor propè in-
credibilis, sed
salutaris.*

hic requiritur

bili, supplevit. Si diurna negotia tempus prætipuissent; libellis cognoscendis, diurno labori nocturnum addebat. Cuidam familiariori aliquando post cænam ingentes libellorum fasciculos ostendit, & adjecit, Non prius ibo cubitum, quàm hos legero & expendero.

Ultimis annis viribus longè imminutus est, laboribus tamen æquè se tradidit æ junior. Monitus nō semel, temperaret sibi vel paululum à laboribus; minoris momenti libellos traderet alijs legendos; valetudini suæ consuleret: magnificè respondit, à Deo se positum in solio ut laboraret, nō ut otia retur, non posse Principem valetudini suæ parcere, qui publico cōsultū velit: malle se sibi deesse, quàm officio suo.

Officiū Principis.

Pertinax hoc laboris studium ad mortem usque illi fuit. Eo ipso vespere, qui matutinum obitum præcessit, libellos plurimos legit; plura cōstituit, suaq; manu firmavit; nonnulla consiliarijs expendenda transmisit; longas ad Regē filium literas suā manu exaravit. Planè, quod Imperatorem decere aiebat ille, si non stans, laborans occubuit.

Laboribus immoritur.

Vehatū egressurus providit, ne publicis rebus obesset. Præcedenti die geminabat labores, subscribebat quibus erat subscribendum, efficiebatque ut die sequenti essent, quibus aut scribæ, aut ij, qui erant à secretis, occuparentur. Vespere reversus, ab

Negotiosum est.



FERDINANDI II.

his acta perlustrabat, signabatque. Neq; verò ipsam venationem curis publicis exemit. Semper unum & alterum ex intimis Consiliarijs secum habuit, ut, si quid novi deferretur, cum his deliberaret: novi nihil si accideret, captatâ opportunitate cum his tamè aliquid publici commodi indagabat, versabatq;

*Faciles ad eum
aditus.*

Assiduitas aures dandi, ac respondendi ijs, qui opem ejus implorabant, mirum quantum illi laborem attulit; exantlavit tamen libenter æquè ac fortiter. Petentibus aures facillè prompteq; dedit; nullum rejecit vel audiendi tædio victus, vel rerum expostitarum inanitate turbatus. Cùm plures aliquando horas audisset, ad familiarem conversus, Libenter, inquit, omnes audio: libentiùs audirem, si quæ afferuntur, publico bono aut privato civium prodesset: gravius est inutilia quàm multa audire.

Recreationes.

CAPUT XIX.

*Excellet in his
studijs.*

A Nimo recreando, corpòriq; exercendo, suo tempore aliquid tribuebat. Adolescentior equestribus ludis, armòrumque tractatione delectatus est, & sanè cum laude; plerumq; enim exercitamine victor redijt, ac Iudicum sententiâ inter

concertantes excelluit, palmâ dignus & Coronâ.
 Cantu ac musicis modis curas etiam lenire, & magno sumptu Musicos optimos conquirere & advo-
 care solitus fuit, tum ut animo recreato publica fa-
 cilius feliciusq; pertractaret, tum verò & maximè ut
 Musicorû operâ & arte Divina in sacris ædibus magnificenti-
 simè peragerentur: id si assequeretur, bene pecuniam positam arbitrabatur vel plurimam, nihil unquam nimium honori impendi divino.

Musica delectatur, præfertim sacra.

- Scenæ ac theatro olim libèter interfuit. Verùm qui nec recreari animum sine pietatis augmèto unquam voluit, odit semper aut ludicras nimis, aut pudori pudicitiaque adversas comœdias. Libenter vidit in scena Alexium, Cæciliam, Augustinû, Martyrem pro Religione fortiter occumbentem. Actorem si quem piè & cum plausu egisse judicavit, cum gratiâ, amore ac benevolentia dignatus est completi. Ex Academicâ juventute quosdam inter Alumnos in seminarijs à se crectis jussit haberi, quia egerant pro dignitate: alios alijs muneribus aut ornavit, aut juvit. Scio nonnullos absolutis studijs à Cæsare fuisse cæteris competitoribus prælatos, & Sacerdotio aut munere magis opimo donatos, quia meminit olim eos Sancti alicujus personam decen-
 ter & cum gratia sustinuisse.

Actonibus & Actoribus scenicis favet, sed gravibus.

Venationem & aucupium à primâ ad ultimam ætatem amavit. Iniecere hunc illi amorem primò quidem Parentis exemplum, deinde Medicorû con-
 silium.

Venatione in primis de causis amat.

filium. Plurimum Venationi Carolus pater dedit. Medici hoc maximè ipsius necessarium valetudini semper censuere. Accesserat, velle se bellicis laboribus parem facere, si quando ferre oporteret; his autem simillimos esse ex venatione natos ille ignorat, qui nescit venatoriam esse tyrocinium artis militaris. Addidit quartam aliquando ipse causam, nec fortè improbandam. Multos in Regum Cæsariumque Aulis degere, quibus otium locum facit ad improba. Hos debere Cæsarem venatione occupare, ne desipiant. Cæterum ne hoc quidem recreationis genus sibi indulgit, sine comòdo aliorum. Prædam ex venatione non modò in Legatos Principesque viros, sed etiam & maximè in religiosas Familias tribuit. Ipsis in sylvis pene erecto tribunali rusticos audivit, eorum causas cognovit, verbo & re consolatus est. Hoc ille tempore, à feris illata damna investigavit; iustum quemque sua damna æstimare, precio refecit majore, quàm ipse actor pronunciarat. Non præteribo, si quando ab apro contigisset rusticum aliquem in venatione lædi, iustum illicò à Ferdinando in urbem deferri: à Cæsareis chirurgis sanari: sanum demum valentemque nova veste & pecunia auctum ad sua remitti. Non ibo inficias, ex hoc ejus venandi studio multas extitisse querelas, rusticos scilicet malè haberi ac tractari. Verùm multa Cæsarem latuere; multa ab eo iussa corrigi, fortè ab ijs, ad quos proximè spectat, quibusque Cæsar se-

*Vult eam mul-
tis utilem, o-
mnibus inno-
ciam.*

*Quod secus fa-
ciat, aut ipse
latuit aut cor-
rigi mādavit.*

far severe mandaverat, minùs diligenter sunt correcta & castigata.

Prudentia & gubernandi ratio.

C A P V T XX.

IN Regnorum Imperijq; administratione, curaq; populorum, sublimibus ac planè divinis principiis nitebatur. Fucata ac subdola Politicam, quã hodie aliqui utuntur, primo loco eliminabat à Prudentiã. Non posse eos prudenter agere, qui dolo agunt, quiq; Deo & Religione abutuntur; desipientis esse, Regna, quæ ab uno Deo dantur, artibus velle firmare, quas Deus odit. Ergò veræ Prudentiæ, veræq; Politicæ fundamentum, honoris divini tuendi amplificandiq; studium ponebat. Antè cavendum, ne quid Numinis gloria detrimenti patiatur, tum cetera disponenda. Ratisbonæ ipsis Ianuarij Calendis viro cuipiã Religioso familiariter dixit, Placere sibi, Ferdinandum Filium esse in Romanorũ Regem electũ, & rationem addidit, non quia Filium videret in solio, sed quia in solio virum videret, cui regula regnandi imperadiq; esset futura divini ho-

Prima imperandi lex Dei homines.

Gaudet Filiũ ex eã imperaturũ.

K

noris

noris cura, & Catholicæ Religionis propagandæ Zelus, subditorum & patriæ salus. hæc esse veræ Politicæ artis laudanda principia.

Quales cupierit Cōsiliarios.

Consiliarios pietate maluit quàm dote aliâ præstare. Quæsiuit ille quidem viros, qui & ingenij acumine, & rerum experienciâ laudarentur; sed maximè optavit, qui Dei cultu metuq; excelleret. Loquendi in sententiâ dicendâ libertatem amabat. Invenio propriâ Cæsaris manu scriptum, odisse se in cōsilio canes mutos: non probare, qui authoritate cujuspiam abripi se sinunt in sententiâ, quam cæteroqui non probant: amare, qui candidè, sincerè, liberè, modestè tamen, enunciant, quod sentiunt. Factum est non semel, ut dicentis libertatem non modò commendaret, sed tuendam etiam suscepit. Cùm enim è majoribus aliquis ægrè visus est ferre libertatem, qua minor oppositam in consultatione sententiam firmabat, tùm Cæsar pro minore stetit, suâq; tutelâ egit, ut & alij dicerent liberrimè.

Methodus deliberandi de rebus gravioribus.

In rebus gravioribus cōstituendis, & potissimum cùm de vitâ alicujus ageretur, hanc tenuit deliberandi methodum. primò mentem animuq; quavis perturbatione eximebat; tùm Deum ipse studiose consulebat, plurimosq; & maximè Religiosos adhibebat

hibebat deprecatores; exinde alienum consilium, prolixè ac patienter exquirebat; & plerunq; in ejusmodi rebus id cōstituebat, quod plures censuerant; solitus dicere, Securius esse consiliarijs adhærere, etiamsi aliquando eventus fallat, quàm suo unius judicio regi. Si ad Consiliarios referre, quod agebatur, non licuit, Deum cœlitescq; tunc ardentius consuluit. Vetuerat Viennensis Magistratus, ne civium ullus in Hernals excurreret, è scholâ Lutheri magistros auditurus. Proceres Aetholici agrè hoc tulère; privilegia, quæ jactabant, apud Cæsarem produxère; non sine gravi sensu sua jura lædi conquesti sunt. Quo tempore suam illi causam perorabât, piissimus Cæsar cōtinuò cor, sed occultè, Crucis signo munivit, tacitusq; Numen obtestatus est, ne responsuro verbum elabi pateretur, quod vel Fidei veræ præjudicaret, vel Aetholicos acerbius perstringeret.

Pia industria

Cùm quid solito gravius in deliberationem veniebat; puta quod novorum bellorum pericula involueret: non sat habuit unum cōsiliariorum Collegium audire, sed plura voluit dicere quid sentiret. Id dum ageretur aliquândo in causâ Mantuana, propria manu ad Collegiorum senatorumq; seu Cōsiliij Præfides scripsit, viderent seriò cōsultores, quid suaderent, & de argumento graviori id u-

*Regulâ Con-
sultorum Soluit
esse Dei tribu-
nal.*

*Theologos Con-
sult.*

*Cardinales &
Episcopos.*

*Deo responsu-
ros.*

*Secretum in-
geniose procu-
ratum.*

num statuerent, de quo sperarent posse se ad Dei tribunal interrogatos respondere intrepidus. Sua verò hæc mandata toties voluit omnibus Consultoribus prælegi, quoties super eâ re deliberaturi convenirent. Si negotium, de quo agebatur, Religionem spectabat, primò Theologos, ex diversis scholis jubebat sententiam dicere, imò & literis consignare, ut ipse relegeret attentius: dein de Cardinales, Episcopos, aliosque, quos Catholicæ Religionis maximè addictos noverat, in cōsultationem vocabat: dicturos sententiâ monebat, Religionem haberent præ oculis: suaderent, quod Deo Iudici possent olim probare: se in eorum sententiâ securè iturum; cùm doctos, pios, atq; ex eo ordine selegisset, ad quem maximè Religionis tutela pertineret. Hunc deliberandi modū tenuit, cùm de pace Saxonicâ actum est, de quâ alibi scripsi.

Evénit aliquando, ut minimè expediret rem evulgari, quæ in deliberationem veniebat; tunc hac incessit viâ. Consiliarios non simul jussit adesse, sed sejunctos singulos, nec verbo, sed scripto, sententiam dare. Id autem eâ cautela egit, ut nemo posset subodorari, alium quempiam, præter se, fuisse consultum. Hac deliberandi methodo duo est affecutus, ut & plurimum mentem intelligeret, & nemo auderet

deret rem evulgare; dum enim se solum ab Imperatore conscium factum arbitrabatur, quivis credit evulgatæ rei culpam in se unum esse derivadam.

Charitas in proximos & inimicos.

CAPUT XXI.

Qui cupit scire, qua in proximos Charitate flagraverit, seriò recognoscat labores ac pericula, quæ volens libensq; subiit, ut populos sibi subditos ab Hæresi ad veram Religionem retraheret. Nemo non amantissimus subditorum fecisset, tulisset, quæ ipse fecit ac tulit. Sermo erat aliquando de ardore, quo Provinciarum Reformationem urgebat. Errant, inquit, Acatholici, qui me sibi infensum putant, Hæresim inhibendo. Non odi illos, sed amo: nisi amare, omni solutus curâ sinerem eos errare. Testis est mihi Deus, sic illos à me diligere, ut meo etiam capite illorum saluti consultum velim. Si scirem, meâ morte illos ab Hæresi posse revocari, volens libensq; hac horâ carnifici collum denudarem, & feriendum præberem.

Salutem subditorum Visa sua anteposuit

*Detrahentes
odas.*

Nunquam proximo detrahere auditus est : si quem detrahentem audivit, ægerrimè tulit, effecitque, ut sentiret ingratum sibi esse verbum, quo alterius fama lædebatur. Non modò viventibus honorem integrũ optavit, sed etiam mortuis. Ne quidem illa coram se de mortuo traduci passus est, quæ ipsemet in vivo non probaverat. De eorum salute sollicitus, quos crimina ad extremum supplicium egerant, ubi eos pœnam dedisse cognoverat, interrogabat sollicitè an Deo reconciliati obijssent? In animas, quæ purgatorio igne torquentur, commiseratione tangebatur singulari. Quoties aliquem è notis audivit vivis cessisse, quoties consiliũ faciunt inaudijt, illicò pro illis, militibusq; Catholicis suffragia per Sacra curavit; & ipsemet ardentè pro ijs Deum oravit. Huc spectat, quòd grandem habuerit catalogum mortuorum, pro quibus quotidie Deum precabatur; Summorum Pontificum, Imperatorũ, Regum Catholicorum, qui ejus tempore vixerunt; consiliariorũ item, qui ei serviebant, & dum viverent servierant; item Confessoriorum olim suorũ; & quod magis mirè, privatorum Religiosorum, quos amavit, & à quibus se dilectum fuisse existimavit.

Ut supplicio extremo afficiendi piè obirent satagebat.

Vita sanctos incubat suffragijs.

Eximiũ ejus in proximos amor, maximè in hostes & adversarios exarsit. Rem admiratione dignissimam. Quo tẽpore plurimi domi forisq; in ipsum conjuraverat, ille me audiente asservit, nullũ esse

in ter-

in terris, cui malè vellet. Cùm tot se ejus inimicos professi sint, ipse nunquam se alicujus inimicū professus est, nec fuit. Ex ijs, qui in Ferdinandum arma tulerunt; fortè omnium acerrimus hostis fuit Gustavus Sveciæ Rex. De hoc post Lipsiensem pugnā, quā Tillius à Gustavo cæsus est, cùm esset sermo, ac aliquis, quā aptè aciem disposuit, narraret; subjecit Ferdinandus, insignis est Princeps ac peritus Belli Dux: doleo illum malam causam propugnare. Ita hostem Cæsar amavit, ut laudē non inviderit illi, ubi eum credidit meruisse.

Hostes non odit

Imò laudat.

Augebantur in dies mala, bellaq; bellis innascebantur, quæ tamen cùm paucorum autoritate sustentarentur, fuerunt qui sponderent posse se ac vel- le rebellium capita, authoresq; malorum tollere. Vnum hoc unus eorum petebat, ut, si re bene gestā contingeret ipsum aut capi, aut occidi, Cæsar uxoris ac liberorū curam aliquam susciperet. Responderi homini curavit, hoc neque Christianum esse, neq; Cæsareum: acturum se publicè, & armis suam causam, quæ justa est, defensurum: eventum & reliqua omnia se Deo commississe, & semper commissurum.

*Virtute Gole-
bat Sincere,
non dolo.*

Narrabat aliquis, & Cæsare ipso, & alijs è Proce- ribus Aulicisq; non paucis audientibus, in proximā pugnā à milite Cæsareo Duci exercitūs adversantis

plumbeâ glânde brachium fuisse trajectum. Ex Au-
 licis unus subintulit, errasse militem illum, & qui-
 dem graviter; debuisse vicinum cor trajicere, non
Mira bonitas. brachium. Ad hunc nō sine stomacho Cæsar, Ob-
 secro, inquit, quâ cōscientiâ proximo tuo
 tam grande malum audes optare? Non po-
 terat amantius quid loqui de amico, quā de ini-
 mico locutus est.

*Hostes, & ipsos
 rebellionis au-
 thores resipi-
 scentes facile
 in gratiā re-
 cipit.*

Facit hūc eximia facilitas, quæ ex hostibus tot in-
 gratiā recepit, quot veniam postularunt; non mo-
 dō ē plebe, non modō ex Equitum ac Baronum Co-
 mitumve ordine, sed etiam ē Principibus, ipsiq; re-
 bellionis authoribus, professus publicē in neminem
 se odio ferri, optare ut omnes resipiscant. Principē
 Anhaltinū, in Friderici Palatini exercitu cōtra Cæ-
 sarem quondam legatum, non modō benevolē, sed
 etiam honorificē excepit resipiscentem. Jussit enim,
 mirantibus ne dixerim an indignantibus, qui ade-
 rant? mensæ eidem accumbere, cui ipse cum liberis
 accumbebat. Friderico Palatino, qui Boëmiae Re-
 gnum invaserat, qui Ferdinandi coronam suo, filij-
 que capiti per summum scelus imposuerat, veniam
 obtulit, & verō in magnam ditionum partem resti-
 tuisset etiam, nisi novo scelere se Gustavo Adolpho
 Sveciæ Regi in expeditione, in quâ etiam occubuit,
 contra Cæsarem adjunxisset. Nōrunt omnes, & ali-
 bi retuli, eandem veniam Carolo Friderici filio ob-
 tulisse,

tulisse, & verò fuisse daturum, si adolescens voluisset Cæsaris clementiam experiri.

Jam quos semel in gratiam post errorem recepit, sic amavit, ut nunquam visus sit recordari hostes illos aliquando fuisse. Multis antiquos honores restituit, multos majoribus ac novis auxit. Scio clementiam tãtam fuisse illi vitio ab aliquibus datam. *Immemor offensa beneficia rependit.* Hinc illa: præstare Austriacos lædere, & veniam petere, quàm nunquam offendere; meliori loco apud illos esse aliquando malos, quàm semper bonos. Verùm propria Principum virtus est Clementia. Hæc maximè ad Deum accedunt; qui sæpe hominem altius elevat resipiscentem ac pœnitentem, quàm eos, qui nunquam deliquerunt.

Humanitas & Benignitas, in omnes.

C A P U T XXII.

Hanc verò etiã hostes soliti sunt in Ferdinando deprædicare. Scio ex hostium castris aliquem venisse Viennam, ut celebrè apud suos Cæsaris Humanitatem videret, & præsens experiretur. Nemo illum adivit, qui ab illo digressus à Benignitate cum non commendaretur. Referam atibi præclarũ Colonienſis Antistitis & Electoris de Cæsaris virtute testimonium. Hic unum ex illo decer-

Lam Principe digna.

L

pam.

pam. Sapientissimus Princeps Ferdinandi Humanitatem cum laudaret, eam esse agebat, quæ mortalium corda raperet, timidos erigeret, perturbatos trāquillaret; solaretur afflictos, nullum à se tristem pateretur abire.

*Enum quæ vidit,
odisse non potuit.*

Percrebuerat Cæsarem supplicationibus Styrae, Welsij, Laureaci, Lincij interfuturum. Undequaq; accurrere ad vrbes rustici nuper tumultuati. Videre Cæsarem incessu, vultu, oculis Humanitatem & benivolentiam veluti spirantem; eam victi captiq; exclamârunt, se verò nunquam fuisse attentaturos, quod attentârunt, si semel antè Cæsarem vidissent: illum ipsam esse Benignitatem.

*Faciles ad eum
aditus.*

Non fuit necesse molles ad eum captare aditus: faciles aures dabat, & horâ, quâ potuit fieri, venientibus maximè opportuna. Loquentes, plures persæpe horas audivit non modo sine nausea aut tædio, sed sereno vultu ac placè ridente. Non rarò negotijs expeditis, pro quibus fuerat compellatus, familiariore sermone solitus fuit homines alloqui: de rerum suarum cōditione, de filijs, de patriâ sciscitari. Dixisses parentem cum filio, aut fratrem agere cum fratre; tantâ Cæsar cum subdito agebat Humanitate. Sanus stans; gladio aut mensæ non nihil innixtus audivit; quando per morbum stare non potuit, iussit persæpe etiam ei, quem audiebat, sedem dari, maxime Confessario, ac Sacerdotibus. Si quis è nobilibus, aut Ecclesiasticis, antè vel facie

facie vel fama notus, peregre advenisset, ac, ut so-
 let cōtingere, Cæsari in Aulâ, aliove in loco occur-
 risset; ipse illicò visum porrecta manu excipiebat,
 verbis benignissimis salutans. Solent Cæsarem in
 urbes ingredientem senatores civici sub umbella ad
 Sacram aut Regiam ædem deducere. Mirati sunt
 his occasionibus Ferdinandi benignitatem permul-
 ti. Totâ aliquando viâ visus est humanè cum Sena-
 toribus umbellam deferentibus conversari: qui ur-
 bis status, quæ civium conditio, quæ rerum esset
 facies? Cum è ministris potioribus aliquem, aut ex
 familiaribus, decumbere ex morbo cognovit: quo-
 tidie misit, qui suo nomine saluaret, referretq; qui
 valeret; imminuereturne mali vis, an augeteretur.
 Adhæc sui corporis Medicos ad eosdem destinavit,
 iussos ægroti valetudinem procurare diligenter.
 Neq; verò Humanitatis hæc officia in eos modò, qui
 in urbe essent, exhibuit; sed in eos etiam, qui persæ-
 pe ab urbe decumbebant remotissimi; testes Cardi-
 nalis Pazmani Strigoniensis Archiepiscopus, Nico-
 laus Esterhafi Comes Palatinus Vngariæ, & alij com-
 plures.

Cæterùm eximia hæc Humanitas, morumq; fa-
 cilitas, non peperit contemptum Principis apud po-
 pulos, sed planè cum amore existimationem auxit.
 Non enim deijciebat ille majestatem, eum benigni-
 tatem induerat; temperabat hæc illam, sed non op-
 primebat. Hinc factum aliquando, ut eos ipsos, quos

*Mero saluta-
bat.*

*Comis & affa-
bilis.*

*Maximè hu-
manum in de-
cumbentes.*

*Humanitas e-
ius Majestatem
non minuit.*

humanitate ad loquendum invitabat, maiestate faceret elingues. Scinius Tartarorum Regis Legatum in conspectu Cæsaris positum obmutuisse: interrogatum deinde ab interprete, quî ita hæssisset suavissimo coram Principe? respondisse, fulgore se fuisse victum, quo Cæsaris maiestas emicabat.

Justitia cum Clementiâ.

C A P V T XXIII.

Anselmus Casimirus Archiepiscopus Moguntinus & Elector literis 23. Maij anno 1637. datis Ferdinandum Justitiæ in Romano Imperio cõservandæ cupidum ac Zelosum, ejusdemq; tutorem commendatissimum appellat. Et sanè hac virtute Regna maximè stare cùm intelligeret, nihil æquè optavit, ac suum cuiq; jus aut reddere, aut tueri. Cum jure fuit agendum, in unam æquitatem intentus, nec affinitatem, nec dignitatem, nec auctoritatem partium respexit. Frustrâ fuit illi aut potentiam alterius, aut spem suam obijcere; stetit contra omnia immotus, nec inclinavit, nisi quò Justitia trahebat. Venerat ex Italia Viennam nobilissimî feudi ac opulenti gratiâ Princeps aliquis. Hujus probitate ac suavitate delectatus Cæsar, agebat cum eo familiariter, & verò benevolentiâ cum etiam prosequeretur non vulgari. Occupato Cæsaris animo;

vix du-

*Insuper resti-
monium.*

*Studio iustitiæ
amicitia lex
non efficit.*

vix dubitandum videbatur, quin Principi adjudicanda esset causa. Discussis libratifq; partium rationibus ventum est ad sententiam: Cæsar contra Principem pronūciavit. Quò plus id aliqui mirati sunt, eo omnes magis Cæsaris Iustitiam extulerunt. Fuit, qui sciscitaretur à Cæsare, quâ ratione in posterum cum eo Principe esset acturus? respondit, eâdem, quâ ante latam sententiam. Nec mihi licuit propter familiaritatem ab æquitate discedere: nec illi licet Iustitiæ studium interpretari mei in se amoris decrementū.

Rakerspurgi facto tumultu 5. Februarij 1608. occisus est Georgius Bāffius Baro Vngarus. Bamffij mortem è gente Vngara aliqui imputarunt præsidarij militis Præfecto. Post dies non multos horribili incendio pene tota Civitas conflagravit; & si famæ fides habenda est, non absimilis clades magnę parti Styriæ imminere videri poterat, nisi Ferdinandus in Præfectum gravius animadverteret. Fuere ex Consiliarijs, qui suggererent Principi, capite mulandum Præfectum, ut parti læsæ fieret satis, malumq; arceretur, quod gravissimū ab illis toti Provinciæ imminebat. Respondit is, Ego verò non

Sanguine innocētis nec Regna redimenda.

patiar necem Præfecto inferri, si meritis non est: ad iniustitiam me minæ aut pericula non adigent; nō, si Provincia tota

fit exurenda; non, si cum uxore ac liberis ad mendicitatem sim redigendus.

*Cantur, si de
alicuius Vita
ageretur.*

Quoties causa criminalis discutienda fuit, tardè pronunciavit: iussit à Iudicibus perpèdi; referri ad se circumstantias omnes; iterum ac tertio causam recognosci; demùm à religiosis Familijs precibus apud Deum agi, ne erraretur. Latam Ratisbonæ militari more sententiam in eos, qui Fridlandicæ conspirationis participes habebantur, revocavit ad incudē: tertio ac sæpius recognovit cum suis; modò per se, modò per alios divinum lumen à Deo poposcit. Si quā in re probavit illud, Festina lentè, in iure dicendo ac pronunciando probavit.

Vinum & oleum.

Cæterùm quotiescunq; vidit nullum aut publico bono, aut privato imminere detrimentum, Iustitiæ rigorem Clementiæ suavitate temperavit; exceptis unius generis delictis, cap. 15. memoratis, Vix unquam latam in reos sententiam præterijt à se non imminutam ac mitigatam. Modò genus commutavit supplicij, modò locū, modò tempus. aliquando partem pænæ sustulit, aliquando totam. Quod potuit uni tantum personæ adscribi, noluit pluribus imputari. Notam familijs non inussit ex eo, quòd aliquis ex ijs, etiam læsæ majestatis, reus est habitus. Nec parentum crimina filijs, nec filiorum parentibus: rursus nec unius fratris delicta alteri censuit nocumēto esse debere, aut probro. Cujusdam Rei, cui vita

eui vita non potuit condonari, filios ita solatus est, ut diceret patris crimē illis fraudi non futurum. addidit, se illis futurum parentis loco, si ipsi se gererēt ut decerēt. Ut plurimum laboraverit, ne Justitia læderetur: ut sæpe dixerit, malle mori, quàm injuriam alicui inferre: fortè tamē non est assecutus, ut in aliquo ex Tribunalibus nunquam sit peccatum. Hoc possum asserere, à sciente ac volente non esse permissum. Nemo Principum potest omnia nosse: etsi oculos apertos semper gerat, multa illum necessariò latent.

*Nō potest Prin-
ceps nosse om-
nia.*

Liberalitas ac Munificen- tia.

CAPUT XXIV.

Superfluum videri poterit, hanc velle de Ferdinando contestari. Constans est opinio, vix in Romano solio aliquē sedisse, beneficentiæ laudem cum Ferdinando comparandum. Si, quàm multa illius liberalitas in homines effudit, tam multa vellem hīc recensere, non ego magis scribendo excederem, quàm ille nonnullis visus sit excedere donando. Magni nominis vir inter Aulicos faceret solitus est dicere, optandum ē capitalibus duobus vitijs Avaritiā & Irā aliquid inesse Ferdinando. Nimi-

*Principum li-
beralissimus.*

*Mitis et mihi.
me cupidus.*

*Quem infinem
aurum appeti
gerit.*

*Pene prodigum
ab aliquibus
habitus.*

Non tamē fuit

rum & patiens ultra fidem, & munificus præter modum visus est. Cum nullū beneficiendi ac donandi finem fecerit, adhuc suo animo munificentiae cupidissimo non videtur planè satisfecisse. Lepidè jocus aliquando, gratissimum sibi futurum dixit, si novam copiosamq; auri fodinam ejus in terris Deus aperuisset, nō sibi ut opes aggeraret, sed ut esset præmanibus, quantum alij peterent, quantum ipse optaret dare. Non addam hīc plura de ejus Liberalitate aut Munificentia, quam non tam demonstrare, quam tueri necesse habeo. Si quid enim in illo nullus reprehendit, prodigas ac profusas largitiones accusavit. Donatum esse ultra vires; donatum ultra meritū; locupletatas Religiosas Familias, Clerūq; i ditatos milites ac tribunos; auctos in imensum opibus consiliarios; interim æs alienum non esse dissolutum; creditores fraudatos suo; pauperibus, viduis, pupillis satis non esse factum.

Nō est hīc animus apologias scribere. Quod attinet ad largitiones, quib9 æris alieni solutionē criminātur impeditam, hæc habeo quæ dicam. Non ita esse neglectum æs alienum, ut omnino sibi aliqui persuadent. Scio rationes magnas dissolutas esse vel Bonis attributis immobilibus, vel pecuniā numerata. Adhæc Pragæ anno 1628. mandavit Ferdinandus, ut ex Camerâ Boëmicâ quotannis florenorum millia omnino quinquaginta eò traducerentur, ut ijs, qui olim Rudolpho aut Matthisæ Cæsaribus infe-

riori in

riori in ordine inseruierant, satisfaceret; quocunque tandem titulo ijs ius esset. Nec secus actum in alijs Provincijs, quàm in Boëmia. Quoties delatum est uerè egere aliquem, & rationes in Camerâ habere; toties rescriptum, ut satisfaceret.

His omissis, video æquè debuisse Cæsarem, quas vocant, largitiones facere, ac antiquum æs alienum dissolvere; imò illud huic fuisse præferendum. Fuere tempora, quibus non privata modò, sed publica omnia subière discrimen; armis erant tuenda; milite erat opus in campo; prudentibus domi consiliarijs. Illi manu, hi prudentia & consilio, Provincias ac Regna Principi; vineas, agros, domos, prædia, arces privatis debebant tueri. Non debuit largitionibus & hos & illos, sibi ac rebus suis, suorumque populorum, Cæsar obstringere? Quid si, quas vocamus largitiones, dixerim fuisse majori ex parte stipendia? criminabitur quis soluta stipendia militi, dum illo opus est, ne signis excedat, aut ad hostem se conferat? Nam quæ sunt Clero ac religiosis Familijs hoc tempore attributa, planè necessaria fuere. Hoc armis agebatur, ut Hæresi è Provincijs, in quas etiàm contra Imperij constitutiones vel irrepserat, vel inducta fuerat, pulsâ, vera & Catholica Religio restitueretur: non debuit ijs de victu prospici, qui suo sudore ac laboribus animarum saluti operam erant daturi? ut præteream, occupata quondam, ab A catholicis Ecclesiasticorum bona æquum fuisse

aliquo jam modo compensari. Non excurram longius. Ex ijs, qui à Ferdinando opes ac dona accepere, plurimi sunt doctrinâ & pietate laudatissimi; ex his nemo, non dicam petiisset aliquid, sed nec oblatum à Ferdinando suscepisset, si iniquè factum existimâssent, ære alieno præterito, largitiones explicatas facere.

Amor ac Beneficia in Clerum, ac Religiosas Familias.

CAPVT XXV.

Occasionem omnem Clerum & Religiosas Familias exornandi auidè arripuit, nec minus dignitati eorum & comòdo consuluit quàm pater amantissimus filiorum. Clero parochias, illisq; adjuncta Sacerdotia in Boëmiâ, cæterisque Austriacis Provincijs penè innumera restituit. Ut restitueret, summo suo labore, sumptu, periculo Acatholicis eripuit. Canonicorum Collegia plurima, & Viennense imprimis, novis transcriptis opibus auxit. Quatuor fundandis in Boëmiâ Episcopatibus dotè constituit. Pragensem Archiepiscopatû, quem Ferdinandus Primus restauravit, Secundus annis florenorû quatuor ac viginti millibus apposis locupleta-

*In Clerum sa-
cularem*

*In Pragensem
Archiepisco-
patum.*

pletavit. Daninā post Hussiticā Hæresim disseminatā, Clero in Boëmiā illatā, magnificā largitione compensavit. Strigoniensem in Vngaria Præmatum exsoluit onere, quo viginti quotannis florenorum millia ad Novæ Arcis præsidium cogebatur pendere. Eidem olim à Stephāno Rege, Sanctimonie famā illustri, concessam, postea temporum injuriā aliò derivatam, quadragesimam octavam partem (Bisetum vocant) auri argentiq; quod ex Vngaricis fodinis eruitur, restituit. In Austriā ipso sui regiminis exordio statui Ecclesiastico quadraginta florenorum millia, Principi gubernanti quotannis jam pendi solita, sponte remisit. Mortuo aliquo Episcopo vel Prælato, tam in Vngariā quā in Austriā, antecedentes Reges & Archiduces solebant mobilia relicta (quæ spolia vocabantur) usurpare; & de ijs ad libitum disponere: Ferdināndus nihil horum attingere, sed successoribus Ecclesiasticis relinquere voluit. Ut omittā interea impensas in Templis reparandis, in Sacerdotibus alendis, in clericis particularibus sublevandis, alijsq; id genus quam plurimis, nō benevolē magis quā liberaliter factas. Jam Religiosis Familijs nulla est, quæ Cæsaris in se amore jure nō gloriatur; nulla, quæ ei plurimum se debere non fateatur. Olim in suis Provinciis receptas, vel antiquo splendore restituit, si exciderant, vel florentes, domicilijs auxit. Plures primus ipse induxit in Austriam, ac Boëmiā, Styriamq; Clericos

*In Strigonien-
sem.*

*In Prælatos Au-
stria & Vnga-
ria.*

*In Religio-
rum Ordines.*

Clericos Regulares S. Pauli, Camaldulenses, S. Francisci de Paula cœnobitas, Carmelitas discalceatos sexûs utriusq; S. Augustini reformatos Eremitas, Benedictinos è Monte serrato ab Hispania huc profectos, Servos B. Virginis, Congregationis Hibernicæ Franciscanos. His autem, alijsq; aut ex integro cœnobita fundavit, aut ab alijs fundata splendide iuvit.

Singulariter Ordines illos coluit, quos suis insistere Institutis advertit, nec à Majorum suorum, virtute deflectere. Horum preces frequenter apud Deum expetebat: hos habebat familiarius, solitus etiam aliquando penes illos prandere: his optabat bene affectos, non modò qui sibi erant, sed etiam qui Filio successuro à consilijs erant futuri. Horum persæpe prædicavit se orationibus debere felicitatem suam, ac singulare, quod erga se experiebatur, Dei patrociniûm.

*In Societatem
IESV*

Quia, Orbe vniuerso iudice, tenerrimè Societatem IESV dilexit, exigit hic locus, ut grati animi in argumentum peculiaria quædam ejus in nos beneficia cõmemorem. Erexì Societati IESV nova domicilia non pauciora quam decem. Domos Professas duas, alteram Viennæ, alteram Pragæ: Domos Probationis totidem, Leobij & Viennæ. Collegia sex, Labacense in Carnioliâ, Clagëfürtense in Carinthiâ, Goritiense in Foro Julio, Kuttnerbergense & Lithomericiense in Bohemiâ, & in Silesiâ Glogoviense.

Alia

Alia plurima aut ab alijs jam fundata & erecta, aut ut erigerentur, adiuvit. Collegij & Academiæ institutæ tam Greciæ parente Carolo, quàm Pragæ ab Avo Ferdinando I. vestigalia censusq; annuos in duplum aut etiam triplum auxit. Insigni subsidio iuvit Passaviense, quod Leopoldus Archidux frater, Lincense & Brunense, quæ Matthias & Rudolphus Cæsares fundaverant: similiter in Moraviâ Olomucienſe, Iglauienſe, & Znoymenſe; Zagrabienſe in Slavonia, Iaurinenſe in Vngaria, Fluminenſe in Istriâ, Tergeſtinum ad mare Adriaticum; in superiori Austriâ Styrenſe, & in alijs regionibus alia, ut suo loco adnotavi. A Societate ipſe parentum ac ſua voluntate literis & pietate institutus; ſuos fratres & filios ab eadem voluit institui. Sibi ac liberis omnibus, è Societate homines, à confessionibus & concionibus qui ſervirent, elegit; eosdem quotidie ſibi ac ſuis ad aras in aulâ voluit operari; eosdem deprecatores apud Deum accedere, cùm gravius aliquid immineret, ad ipſos divertit frequentiffimè: familiariffimè cum ijsdem sæpe prænſus, ac cænatus, nullam omiſit cum Ordinem vel tuendi, vel exorandi occasionem. Vulgò etiam jaſtatum eſt, Ferdinando tangi oculos & pupillam, cùm Societas tangeretur; non poſſe ullum Societatis hoſtem cenſeri, qui Ferdinandi hoſtis non eſſet; qui Ferdinando bene veller, cum bene velle Societati.

Ferdinando Filio 3. Maij anno 1634. in caſtra

M 3

pro-

*Societatem se.
su filio Regi
impensè com-
mendat.*

proficiscenti, primo loco, & quidē spontē ac motū proprio, Societatem ardentē cōmendavit. Respondenti opus non esse cōmendatione, cū eam spontē amaret & estimaretq; subintulit: Imò verò illam tibi iterum, & etiā atq; etiā cōmendo. Protegas illam non minū contra hostes apertos, quā contra fictos amicos. Decursu temporis deprehendes multos in eum Ordinem amorem jactare, qui non amant, & tamen deberent.

*Ejus Societatem
ingredien-
di desiderium.*

In ejusdem commendationem dixit aliquando: Si liber essem, ut fratres mei hodie sunt, Societatem JESV omnino ingrederer. In ejusdem laudem, reversus Francofurto Græcium jam Cæsar, & in Collegij refectorio à Joanne Carolo primogenito, dulcissimæ & felicissimæ memoria, & Ferdinando Ernesto hodie Cæsare, filiis, eleganti oratione salutatū; inquit: spero meos filios Societatem amatuos. Si egerint, felices erunt ac beati. Quid multa? dignatus non semel est eam matrem suam compellare. Fæmina quædam vulgârat in Aulâ Hispanicâ, hominem o Societate, in Cæsaris Aulâ Confessarij munus obcunctem, ausum esse puellam ad stuprum vrgere, & eum hoc nomine à Cæsare iussu Aulâ exulare. Id ab

*Societatem se.
su matrem su-
am appellat.*

Hispaniâ ad Præpositum Societatis Generalem: ab illo ad Cæsaris Confessarium; ab hoc per literas ad Cæsarem ipsum devenit. Cæsar Confessarij literis in hæc verba suâ manu rescripsit. Reverende in Christo Pater. Remitto R^a. V^a. mendacium mendaciorum omnium mendacissimum. Quod quidem nisi, sed simul totus excandui. Et si R^a V^a in hoc puncto, seu mendacio, à nobis testimonium contrarium petierit, non detrectabimus ad conservandam bonam famam Matris nostræ Societatis in amplissimâ formâ extrâ dare. Servet Deus Societatem cum V^a. R^a. cujus precibus & SS. Sacrificijs me totaliter commendo. Eberstorffij. 17. Septembris, 1633. R^a. V^a. in Christo filius, Ferdinandus. Nullum deberem finem facere beneficia Ferdinandi in nos deprædicandi, quia ille nullum unquam finem fecit benefaciendi. Sed quando instituta brevitâs plura non patitur, caput hoc codicilli parte claudam. Sic ergo jussit in eo scribi.

*Ejus bonarum
defensum cu-
pit.*

Quia ad hæc omnia (egerat de restituendâ ac servandâ Fide Catholicâ) utile præ cæteris mendium est, Ecclesiastici ordinis viros ac Sa-

*Eam Hæredi-
bus magnificè
commendat.*

cerdotes

cerdotes colere, tueri diligenter, eorumq;
incrementū quærere & promovere: hinc
nostrum natu maximum Filium, regna-
turum Dominum, Ferdinandum Erne-
stum omnesq; nostros liberos, hæredes,
ac successores, paternè prorsus ac bene-
volè monemus, eisq; injungimus ut ipsi,
is verò præsertim, qui pro tempore regna-
bit, Sacerdotes, cæterosq; Ecclesiastici
ordinis homines, eorum domos, templa,
monasteria, fundationes, temporalia bo-
na, jurâq; cõmendata in primis habeant:
eos honorent, ament, quàm maximè pos-
sunt protegant & propugnent. Ante om-
nia autem seriò, singulariq; ex Zelo ipsis
commendamus peruenerabilem Socie-
tatem JESV, ejusq; Patres, vel ob id maxi-
mè, quod illi suâ doctrinâ, charæ juven-
tutis institutione, vitâque exemplari in
Christianâ Catholicâ Ecclesiâ, non solum
in his interioris nostræ Austriæ provincijs
sed Regnis nostris omnibus, omnibusq;
nostris provincijs, imò toto Orbe Chri-
stiano,

stiano, multum, benè, utiliter operantur, in conservandâ promovendâq; Catholica Religione fideliter omnino & præ alijs adlaborant: contra verò ingratus hic malusq; mundus eos præ cæteris odit, ac persequitur: ut proinde majori protectione, auxilio, assistentiâ indigeant, digniq; sint. Hæc omnia supradictos nostros heredes & successores sincerè præstituros cōfidimus. Est verò hæc una ultima nostra intentio & voluntas.

Beneficia in Pauperes.

CAPUT XXVI.

QUod humanæ Restitutor salutis olim iussit, *Pauperum in-*
 rat, Ferdinando semper hæsit; in paupere *for.*
 Deum semper agnovit. Hinc promptum,
 in pauperes auxilium; hinc illorum cura propemodum sollicita. Suggesterat è consiliarijs aliquis, sibi ipsi Cæsar ut parceret, pauperum ac tenuioris sortis hominum libellos alicui è suis committeret; eximeret se minimorum curis ac molestijs. Risit ad hæc ille planè effusè; tum adiecit: Pauperibus con-

N

fulere

*Quibus medijs
beatitudine se
obtensurum
speraret.*

fulere gratum sibi esse, non molestum, in hoc a Deo se electum ac vocatum. Alteri similia luadenti, At, inquit, libellorum & causarum cognitione, quæ pauperes pertingunt, cælum lucratur. Nescio an hoc accidat, cum principum ac procerum causis intendimus.

*Laudabile pro-
positum.*

Anno 1638, pauperum causis Advocatos deesse cum inaudisset, quia ab illis lucri spes non erat, proposuit, ubi primum à bellis, quæ opes omnes exhauriunt, respirare liceret, ex proprio ærario velle se in singularum provinciarum Metropoli certo Advocatorum numero stipendia attribuire, ut omni diligentia ac conatu pauperum, viduarum inprimis ac pupillorum, causas propugnent ac tueantur.

*Xenodochia e-
viget, ampli-
ficat.*

*Captivos re-
dimat.*

Ægrotantium pauperum valetudini, captivorum redemptioni intentus, illis xenodochia crexit vel amplificavit, his dato precio subuenit. Adolpho Michaëli comiti ab Althan, viro laudatissimæ virtutis, qui Turcicâ captivitate pauperes educendos suscepit, in eam rem ex singulis Provinciarum suarum ac Regnorum officijs, quæ longè plurima sunt, tres supra triginta aureos Ungaricos iussit aliquando numerari.

*Pauperum
pascit.*

Quocumq; pergeret, pauperes accurrebant, quibus omnibus modò suâ, modò alienâ manu stipem erogava-

erogabat. Spectaculum fuit ad pietatem excitanda pulcherrimum, quâ Cæsar in Imperium vel Bœmiam erat iturus, vias pauperum turmis obsessas videre, & ab illo non modo non fastidiri, sed peramanter cerni, liberaliter sublevari. Quoties majore recurrente hebdomadâ, sepulchra, quæ vocant, adivit, (adibat autem singulis annis supplex ac pedes viginti ut minimum in diversis Ecclesijs,) toties à vicinis oppidis pagisq; confluxere in urbem pauperes planè plurimi: certi non præteriturum Cæsarem, quin benè miseris faceret.

Quando venationis vel aucupij gratiâ certum locum dies aliquot commoraturus petijt, quasi signo dato illò pauperes advenere. Placuit quibusdam arceri turmas illas miserorum à Cæsaris domicilio; facillimum esse per illos pestem & luem invehi. Cæsar hoc providentiæ genus non probavit, solitus dicere, Deum non posse abesse, si pauperes adsint. Suadenti cuidam, ut quempiam è servitio dimitteret, causamq; adferenti, quòd ejus operâ Cæsar nō indigeret: respondit, at ipse meâ fortasse indiget, fortè pauper est.

*Ubi pauperes,
ibi Deus.*

Antequam domicilium Græcio Viennam in Austriâ è Styriâ transferret renunciatus Imperator, solitus est Græcij aliquoties in anno xenodochia adire, pauperibus & egenis epulum dare. Aulici primarij, Patresq; Soc^{us} Jesu fercula deferebant; ipse

*Pauperibus in
xenodochio
ministrat.*

suis manibus sua singulis apponebat. Inter epulas,
 & post illas, modò hunc, modò illum familiariter
 alloquebatur; de patriâ, de morbo interrogabat; in
 solabatur omnes; omnes ad pietatem instruebat.
 Egit hoc idem in Aulâ Dominicis quibusq; diebus,
 quò, matris laudatissimæ exemplo, duodecim pau-
 peres accersiri jubebat è publicis plateis; vel xeno-
 dochio. Dabat epulû; ministrabat discumbentibus,
 matre, dum vixit, ac vxore, liberisq; , tum è Soc^{is}.
 Jesu sacerdotibus duobus cooperantibus. Si ipsum
 abesse contingeret, matre & vxore vitâ functis, vo-
 luit id officij à liberis præstari, eodem ritu & modo
 observatis. Vt antehac Archidux & Rex, ita etiam
 postea dictus Cæsar, ac jam Imperator ex priorum
 Principû consuetudine quotannis feriâ quintâ ma-
 joris hebdomadæ duodecim viris pauperibus gran-
 di natu, servato Ecclesiæ ritu, Aulicis omnibus, alijs-
 que, quibuscunq; libuit, spectantibus, flexis humi-
 genibus, pedes lavit, terfit, osculatus est; ad regium
 epulum discumbentibus ministravit. Quod ex epu-
 lo superfuit, suis manibus distribuit in vasa ad id pa-
 rata. Prandio finito, ea per sui corporis satellites
 jussit deferri, quò pauperes cuperent; ipsos pauperes
 veste ac pecuniâ donatos humanè tan-
 dem dimisit.

*Rorum pedes
 lavat.*

Stu-

Studium Literas promovendi.

CAPVT XXVII.

Bonis ipse exult⁹ literis, literas literarumq; studiosos amabat; & viros doctos, si bonis artibus & doctrinæ morum probitas accederet, summâ benevolentia prosequeretur. Libentissimè eorum utebatur operâ, & benevolè vel ad opima sacerdotia, vel ad munera perhonorifica promovebat.

Literas amat.

Gratissimum illi erat audire, Procerum ac Magnatum filios strenuè in bonarum disciplinarum studia incumbere. Ut ardorem in ijsqui id agebant, augeret, ac in alijs excitaret: sæpe, comites aut Barones, quos pro dignitate vel de Philo sophicis disputare, vel Academicos gradus esse affecutos cognovit, publicè aut aureâ catenâ exornavit, aut datâ aureâ clavi in suos vel filiorum Camerarios adlegit, similivè alio honore dignitateq; insignivit. Hoc perpetuum habuit, ut in committendis muneribus, quæ solis Proceribus committi solent, eos cæteris præferret, quos vel gradu Academico eminere, vel aliâs doctrinâ noverat excellere; & si alij, qui eodem aspirabant, ætate præirent, & servitij diuturnitate.

Est honorat.

Gymnasia juventuti excolendæ instituit plurima in hæreditarijs, Imperijq; Regnorumq; Provincijs.

Bonarum artium Gymnasia excitat.

*Studioforum
Seminaria.*

vincijs. Academies & studia, ut vocant, generalia, vel collapsa restituit, vel nova erexit, vel ab alijs excitata confirmavit. Ephebia ac Seminaria, quibus tenioris conditionis adolescentes aluntur, ut literis ac pietati operam sedulam narent, alicubi ipse fundavit, alibi ab alijs fundata opibus auxit. Incoluntur insigni Reip. bono Seminaria hæc a juvenibus plurimis Viennæ, Pragæ, Græcij, Clagenfurti, Labaci, Olomucij, Tyrnaviæ, alibi.

Jam nobilibus & claro loco natis adolescentibus, itemq; ijs, quibus in Clerum libet adscribi, opulenta constituit Ephebia Olomucij, Pragæ, Tyrnaviæ, Gitzini, alijsq; in vrbibus non paucis. Attribuerat in Imperio, vnde Scotis & Anglis adolescentibus prospici posset ad literas ediscendas; sed temporum iniquitas bene inchoata perfici non est passa.

*Errorum Semi-
naria evertit.*

Quo studio providit, ne Gymnasia adolescentibus, aut adolescentes Gymnasijs deessent, ad sanæ doctrinæ, veræq; Religionis incrementum: eodem egit, ut Acatholicis scholæ deessent, in quibus Hæresim edocerentur. Aliquot falsæ doctrinæ Gymnasia evertit: aliquot in meliorum usum commutavit. Celeberrimum Gymnasium ex communi Provinciæ ærario ab Acatholicis Græcij excitatum, in Monasterium vertit, in quo integerrimæ virgines pijs S. Claræ institutis insistent: in eo & matris corpus, & Ferdinandi cor seposita con-
quiescunt.

Quædam

Quædam in Ferdinando

mira.

CAPVT XXVIII.

Libet hic ponere ob oculos quædā, quæ per historiā totā sparsim narrata, planè mira videntur fuisse in Ferdinando; ut cò clariùs maximi Principis virtus agnoscat, & colatur.

Mirum sanè est, cum tanta dignitate potestateq; quantam in Augusto nemo non suspicit, tantam animi demissionem, Christianamq; Humilitatem à Ferdinando potuisse conjungi. Estimatum, ab omnibus quàm maximè fuit, illum à se uno fuisse contemptum, quem ob summam virtutem magis, quàm ob Cæsaream dignitatem, boni omnes jure merito venerabantur. Ipse se vermem non hominem prædicabat, quem viri pij & sapientes supra homines ut sanctum Principem extollebant.

Castigium & demissio.

Mirum est, in tot tamq; præsentibus occasionibus, tum ante nuptias adolescentem, tum post primum Matrimonium viduum, a trigésimo sexto ad annum suæ ætatis quadragesimum secundum perstitisse impollutum, integrâ castitate: non delicijs fractum, non victum fuisse cupiditatibus.

In summa libertate castitatis.

Mirum est, in tantâ varietate fortunæ, animo semper fuisse præsentissimo ac tranquillo; nec adversis succubuisse, nec prosperis fuisse elatum. Planè

In adversa fortuna constantia.

stupen-

stupendum, à proposito restituenda vera Religionis nunquam excidisse, etsi eo non semel ob eam causam devénit, ut conelamatum videretur, nisi desisteret.

*In hostes bene-
volens.*

Mirum præter modum censendum, in summâ hostium, & eorum, qui res ipsius turbatum ibant, & perditas volebant, multitudinē, in nullum odio exarsisse; imò de nullo unquam esse questum. Nec minùs illud admiratione dignum, in ipsis hostibus perstitisse semper ejus venerationem, certamq; opinionem, heroicam in illo virtutem esse, Principem sanctum esse.

*Ejus virtutem e-
tiam ab hosti-
bus predica-
tur.*

*Medici tria
mirantur.*

Mirum & miraculi instar esse dicunt Medici, inspecta ejus post obitum interna pulmonum, stomachi, hepatis, lienis, & renum constitutione, quòd lætus & jucundus, & in omnes facilis esse potuerit; quòd ante plures annos mortuus non fuerit; quòd ita placide, absq; clamore, agitatione corporis, graviore gemitu, & omni oris oculorumq; distorsione obierit, facilius quàm solitus fuerit aliàs indormire.

*Ille autem ut
mortuum dor-
mire videretur.*

Mirati sunt etiam, quotquot viderunt corpus ejus, post mortem triduo publicè expositum, omnem eam frontis, faciei, ac totius vultus externam, habitudinem conservasse, quæ fuerat dum viveret; ut non Ferdinandi cadaver iacere, sed Ferdinandus ipse vivens dormire videretur.

*Ille autem ut
mortuum dor-
mire videretur.*

Mirum & hoc: Fridericus Comes Palatinus Rheini & Elector contra Ferdinandum cōjurauerat; exercitum

ercitum habebat instructum; Regium diadema de Ferdinandi vertice consensu jam ac animo detraxerat: cum cæteris Electoribus suo Ferdinandū suffragio ad Imperatoriæ fastigium dignitatis euehentibus, ipse etiam accessit, eoq; ipso gladium porrexit, quo feriretur. Sed & illud omittendum non est inter mira de Ferdinando, quod ex illius nunquam satis laudati Principis Joannis Suicardi Archiepiscopi & Electoris Moguntini ore proprio acceptam; ejusdem Principis Confessarius Joannes Reinhardus Ziglerus, Societatis J E S V, ex Electoris voluntate dum ille vixit reticuit; post ejus verò mortem sæpe recensuit. Quo tempore Francofurti Anno 1619. adversariorum non pauci nec imbecilles ardentem suggererant, præsentem utendum opportunitate, occasionem, quæ melior optari non possit, præmittendam non esse: res Papistarum universas uno posse momento præcipitari, si, quod erat facile, Catholici Electores, qui omnes aderant, neci traderentur: eo tempore gloriosa Dei Mater, ut benignissima sic etiam potentissima virgo, se Joanni Suicardo Moguntino Archiepiscopo atq; Electori præsentem sistit, animosq; addit his verbis: Constante age Suicarde: noli timere; elige Ferdinandum. dictum, factum; perversa molientium concidit machinatio; non est consilium contra Dominum.

Beatissima Virgo monet, ut in Imperatorem eligatur.

Singularis divinæ Protectionis argumenta.

CAPVT XXIX.

*Hostium præca
desideria mo-
deratur Deus.*

HÆc etiam per totam historiam sparsa prode-
rit hîc juncta habere sub oculos. Permissi
Deus plurimos, eosq; fortissimos, in Ferdi-
nandum hostes insurgere; non permisit simul ac v-
nâ omnes arma capere; uno subacto alter erupit.
Simul omnes si irruissent, par non erat futurus.
Omnes vnus ut posset vincere, singulos Deus permi-
sit congregari. Maximum illi periculum à Turcâ
cùm videretur posse imminere, tanquam à vicino &
instruâtissimo hoste: cùm ex rebellibus, alijsq; hosti-
bus fuerint, qui eò consilia viresq; omnes intende-
rent, ut Turcam in Cæsarem impellerent; spem o-
ptati eventus proponebant non ambiguan, lucrum
præ manibus amplû speciosè ostentabant. Dei pro-
videntiâ planè singulari factum est, ut sùrdas aures
Turca habuerit, nulliq; bellum in Cæsarem suaden-
ti acquieverit.

*Turcam cohi-
bet.*

*Colligationes
dissolvit.*

Sæpe idio-fædere Principes, vrbesq; ac Provin-
cia per multæ conspirârunt, ut unitis viribus Cæsa-
rem opprimerent: Deus nullam vnionem, nullum
fædus diu passus est consistere. Brevi aut hîc, aut ille,
privatis rebus ut consuleret, à socijs recessit; quiq;
conjuncti potuerunt esse terrori, divisi pene fûere
ludibrio.

Pro-

Profligato Cæsariano milite, ad Lipsiam à Sue- *Diffipat confi-*
co, facillimum fuit caput ipsummet Cæsarem pete- *lia hostium.*
re, & ad extrema adigere. Nullus in hæreditarijs
Provincijs miles, nulla præsentis subsidij spes. Qui
Ferdinandum tuebatur Deus, Regem, peritissimum
Ducem, aut excæcavit, aut perterrit. Digressus is
est ad membra impugnanda, cum caput idui pate-
ret. Prælio, quo Ferdinandus Rex Ferdinandus Cæ- *Victoria ad*
saris filius cum alijs Principibus hostium vires ad *Nordlingam*
Nordlingam accidit, clarissima emicuere Numinis *diminuitur par-*
Cæsarem tuentis argumenta. Si paucis diebus citius *ra.*
hostis stetisset in acie: Cæsarianos nec rebus adhuc
satis instructos necessarijs, & copijs longa ac perdiffi-
cili Ratisbonensib; obsidione diminutis debilitatisq;
ad certā plus satis incerti exitus pugnam coëgisset,
Si paucos dies protraxisset, necessarium commea-
tum impedire aut recedentes damno afficere potuif-
set. Eā die pugnatum est, quā hostis potuit vinci,
Ferdinandus vincere.

Primā illustris Cæsaris victoria ad Pragā, ut *Similiter in*
primum, ita evidens fuit præsentis Numinis argu- *albo monte ad*
mentum. Pugnatum est à Cæsarianis iniquissimo lo- *Pragam.*
co; hostis montis albi ipsum verticem infederat; Cæ-
sariani adversum montem scandere, fatigati hostem
debuere aut inuadere, aut excipere. Tamen, quod
nec hostes timebant, & Cæsariani vix audebant spe-
rare, ope Numinis penes hos stetit victoria, & ea no-
bilissima; Deo scilicet Cæsarem tuente, ac prote-
gente.

*Precipitatos
servat Deus.*

Quid multa? evidentissimis Deus argumentis singularem suam Ferdinando curam ac tutelam, promittere visus est, cum anno 1618. à rebellibus Pragæ, ut dictum alibi est, è Regiæ Aulæ fenestris in altum præruptumq; solum Gulielmus Comes Slavata, Iaroslauus Comes à Martiniz, Philippus Fabricius Regno à Secretis, Cæsari fideles, ideo hostibus exosi omnes, præcipientes acti sunt. Cum enim eo casu nemo perierit (quod miraculi instar multi habuerunt,) animo prælagierunt, permissurum quidē Deum ab hostiū furore ut affligeretur; non permissurum ut periret; effecturum, ut à casu validior illustriorq; assurgeret Ferdinandus.

*Calises Ferdi-
mandum pro-
tegent.*

Narrat Episcopus Aversanus Carolus Carafa, tunc apud Cæsarem Nuncius Apostolicus, in sua Germania sacra restaurata, quod sequitur. Anno 1620. ipsa octavâ post festam diem S. Vito Metropolitanæ Pragensis Patrono sacram, eo in templo, noctu à mediâ decimâ ad tertium quadranten vñdecimæ, canentium veluti sacerdotum chori non ab alijs tantum Acatolicis, sed ab ipsis FridERICI pseudo Regis satellitibus publicè auditi sunt: cum tamen templo ab Hæreticis occupato, nullus ad illud sacerdotibus aut Catholicis aditus pateret. Sequenti anno, eadem octavâ die recurrente, sumptu publicè Pragæ est supplicium de rebellium capitibus, qui Boëmiæ Directores se nominarant. Merito ergo præfatus Carolus Carafa Aversanus Episcopus, & Nun-

& Nuncius ad Cæsarem Apostolicus, rem perpendens asseruit, S. Vitum, aliosq; Patronos divos, eo cantu à Deo vindictam in rebelles pro Ferdinando postulasse. Ut constaret pro Ferdinando supplices fuisse exauditos, eâdem die, recurrente anno, perduelles tracti sunt ad pœnas.

Observabile deniq; illud est, ex omnibus, qui iusta in Ferdinandum arma sumpsere, vix ullum reperiri, quem vel violenta mors non abstulerit, vel res adversæ non deiecerint, vel nominis macula non fœdaverit. Cum ipse è diverso nomen quotidie illustrius comparârit; feliciora ac secundiora nactus fuerit; ac tandem viso successore, quem optabat, Filio, placidissimâ morte non tam obierit, quàm à laboribus conquieverit.

*Hortum sume-
rum exiens.*

Summorum Virorum Testimonia.

CAPVT XXX.

O Peræ præcium erit coronidis loco hîc adjicere, quid de Ferdinando vel adhuc in vivis agente, vel vita jam functo, summi laudatq; viri senserint. Ea enim demùm vera laus est, à laudato viro commendari. Antequam singulos proferam, commune mortalium omnium, qui vel

Fama communis.

cum eo familiarius egerunt, vel ab eo gesta perceperunt, testimonium producant. Quo die Viennæ occubuit, una vox fuit omnium, occubuisse Cæsarem, cui parem sanctimoniâ, pietate, integritate, clementiâ, superior ulla ætas non vidit. Eadem vox Provinciarum omnium subditarum fuit. Similia in exteris Provinciis deprædicata accepimus. Ne ipsi quidem Acatholici dissensere, quorum vnus è suggestu ad populum pronuntiavit, aut nullum è Catholicis in cælum admitti, aut Ferdinandum cælo receptum esse. Longum facerem, si elogia referrem, quæ funebres orationes Germaniâ totâ aut alibi à sumis oratoribus habitæ continent. Vbiq; pius Fidei restitutor, vbiq; Hærescos fortis profligator, vbiq; constans, mitis, munificus, humanus, quodq; pulcherrimum, est, vbiq; Deo charus, & sanctus prædicatur; illum hic Ezechix, Iosaphato alter, tertius Davidi comparavit.

Quid de eo sentiant milites.

Sed jam ad particularia veniamus. Apud milites ducesq; Catholicos is est creditus Ferdinandus, cuius precibus plus posset tribui ad victoriam cōsequendam, quàm maximorum exercituum armis ac viribus. Malle se, dixit è primis Ducibus quispiam, ut Ferdinandus supplex semel

semel ad Virginis ædem accederet, ibiq; litanias recitaret, quàm ut selectorum militum duodecim millia ad se subsidio mitteret; plus se ab ejus precibus, quàm ab horum viribus sperare. Quod si libet etiam hostes audire, habeo dictum à Gustavo Sueciæ Rege, in tantâ, quam experiebatur, fortunâ, vnam sibi formidini Cæsaris esse virtutem. Habeo dictum à Gabriele Bethlemio, difficile ac dubiæ aleæ plenum opus esse, pugnare contra Ferdinandum, quem nec aduersa deiicerent, nec prospera extollerent. Habeo interroganti Murtafan Budensi Bassæ ac Visirio, quî factum esset, ut Ferdinandus vir minimè militaris, de Sueciæ Rege fortissimo Duce ac peritissimo triumpharit, à Turcâ ætate ac consilio facile principe responsum, Ferdinandus Sanctus est; Deus cum illo est, & pro illo pugnat.

Hoffm.

Militibus Aulicos subiungam. Hæc apud omnes opinio fuit, Ferdinandum Deo plenum esse in ejus vitâ ac moribus vix posse aliquid desiderari: planè ad virtutis normam esse compositum. Ioannes Vdalricus Princeps Eggenbergicus, Crumlouij Dux, & Ferdinando à consilijs primus, anno 1628. cum supplicatio publica domum, in quâ ipse ex podagrâ decumbebat, pertran-

Aulic.

tran-

transiret, audissetq; Wenceslaum Boëmiæ Ducem, inter Sanctos Martyres invocari: viro Religioso ad illum paulò post accedenti, Non dubito, inquit, quin aliquando non solum in Regnis, ac Provincijs Austriacis, sed orbe toto Ferdinandus II. quoque in vota ac preces sit inter cælites compellendus Ita vir hic de Ferdinando sentiebat, quem, si quis alius, ipse probè nòrat.

Episcopi.

Jam Infulis ac sacris tiarīs ornatos audiamus. Laudatissimæ virtutis Matthias Episcopus Neostadensis defuncti Ferdinandi sanctimoniam, ac in primis Humilitatem, cum multis de prædicasset, adiecit existimare se pro eo defuncto minimè esse orandum: illum suffragijs non indigere, jam procul dubio cælo receptum, & pro nobis orare. Cum Carolus Carafa Aversanus Antistes, & olim apud Ferdinandum Apostolicus Nuncius, anno 1624 Urbano VIII. nuper electo, Cæsareæ Aulæ statum perscriberet, asservit post Constantinum Ferdinando non fuisse parem Imperatorem. Ferdinandus Colonienſis Antistes & Elector, tàm anno 1636. eximiam Principum quorundâ virtutem laudasset, & unius præcipue: ducto ab imis suspirio, elatâq; voce exclamavit, at Ferdinan.

dinando. II. nunquam, nunquam parem habebimus. Omnium ad se accedentium corda rapit, timidos erigit, serenat perturbatos, nullum tristem a se patitur abire. Anselmus Casimirus Moguntinus Archiepiscopus & Elector, Ferdinandi obitu cognito, literas ejus commendatione plenissimas 30. Martij dedit. literarum summa hæc est. Maximum fuisse Ferdinandi Zelum in promovendâ & propagandâ Catholicâ Fide, studium in publicâ salute promovendâ, servandâq; in Romano Imperio Justitiâ: paternam in omnes clementiam, invictum patrocinium, in exantlandis perferendisq; molestijs ac laboribus constantiam & patientiâ: placuisse divinæ benignitati illum ex valle hac lacrymarû ad cælestis gloriæ triumphum evocare.

Æquè præclare sensere de eodem S. R. E. Cardinales. Quorundam hic ego, non omnium, testimonia subijciam. Scipio Cobellutius tit. S. Susannæ Presbyter Cardinalis, año 1621. ipso sanctorum omnium die festo, auditâ vitæ ratione, cognitisq; quotidianæ pietatis exercitijs quæ Cæsar usurpabat, sapius inclamavit,

mavit, Is verò sanctus est Princeps, sanctus Imperator. Cardinalis Cleselius, cum Romæ percepisset Austriâ totâ pulso Hereseos magistros, quod fieri posse nunquam sibi persuaserat, in eas voces erupit. Id sanè sine miraculo fieri haud potuit. Ibo illuc, & præfens intuebor, quæ Deus per Ferdinandū operatur miracula. Idem ex vrbe Viennam reversus, iussusq; à Cæsare tunc Pragæ morante, tum Viennæ, tum vicinis in oppidis, arcibusque adjacentibus hæreticos libros inquirere, & habentibus auferre: primò hæsit, tum multum veritus popularem; sed positis deinde ob oculos, quæ Deus mira per Ferdinandum egerat ac agebat, nihil dubitavit opus aggredi. Excutus feliciter, prædicavit Ferdinandi Zelo perfici, quæ humana prudentia non credit fieri posse. Archiepiscopus Senonensis Cardinalis Rochefocault, à virtute & doctrinâ commendatissimus, Socius. Iesu Religiosos aliquot, qui suis sedibus ab Hæreticis pulsi in Gallias & Germania se receperant, de reditu consolatus, vester inquit, Cæsar vir Deo charus est, triumphabit tandem de Hæreticis: Deus nunquam sinet illum vinci. Cardinalis Pazman Strigoniensis Archiepiscopus, & Ungariæ Primas, cum gravissimū ē Cæsaris obitu suum esse dolorem scripssisset, hæc supposuit. Neq; aliud me solatur,

solatur, quàm quòd post sanctam mortē,
certa beatitudine perfrui optimū Impe-
ratorem non dubitem: & tantum ac talē
filium paternarum virtutū hæredem fore
certò mihi persuasi. Tyrnaviæ 27. Febr. 1637.

Superfunt ipsa prima Orbis capita. Quā apud Re-
ges omnes in æstimatione Ferdinandi virtus fuerit,
necesse nō est explicare. Explicarunt illi, publico lu-
cu ob ejus mortē indicto. Ipse Turcarū Imperator
publicū funus Constantinopoli ingenti pompā pass⁹
est celebrari. Nec ægrè tulit cœnotaphio sceptrā co-
ronasq; imponi, Majestatis insignia. Laudat⁹ est, illo
nō improbante, Constantinopoli Cæsar Ferdinand⁹
oratione funebri, quam pronis aurib⁹ exceperē viri
primarij, Regnūq; ac Principū legati. Eleonora Au-
gusta, cui Cæsaris sui vita moresq; probē fuere per-
specti, vix à se potuit impetrare, ut pro defūcto ora-
ret. assiduē occurrebat, sati⁹ esse illius implorare pa-
trōcinū, quàm pia p̄o illo cōquirere suffragia: illū
apud Deum degere, non indigum opis, sed potentem
auxilij. Clemens. VIII Pont. Max. literis signatis 18.
Martij año 1600. Ferdinandū sumpto ex Evangelij
præconio bonam arborem nūcupavit Eodem
año 9, Decembris, cū ejus zelū, quo, Deo auctore
in Hæresin exarserat, commendasset, divīno p̄fanē
Spiritu afflatus, ut eventus docuit, sic scripsit. Deus

Reges

*Summi Pontifi-
ces*

tecū erit adiutor fortis, & omnia tua cōsilia diriget in viā salutis. Jam Paulus V. año 1610. Ferdinādi animū pietate, prudētia, fortitudine, cæterisq; virtutib⁹ abundē exornatū pronunciavit. Año verò 1616. Ferdinandi virtutē egregiam esse, ac viro Principe Deumq; timente dignam asservit. Gregorius XV. expōnenti cuidam, quā pīe præclareq; Cæsaris Ferdinandi proles educaretur, Quomodo, inquit, nō optimē educarentur tam sancti Imperatoris filij? Claudamus sumorum virorum hæc de Ferdinandi virtute elogia, Urbani VIII. qui hodie toti præest Ecclesiæ, testimonio, & quidem nobilissimo, dignoq; & Pontifice qui dedit, & Ferdinando de quo dedit. Anno 1634. die 7. Julij Urbanus VIII. quodam Brevi per Malatostam Ballionium, præstanti virtute Pisaurensem Episcopum, dignissimum sedis Apostolicæ in Aula Cæsarea Nuncium allato, sic Ferdinandi innocentiam extulit. Gratias Deo agimus immortales, quòd Cæsari, jam inde ab ineunte ætate, cum virtutis amorē, eamq; æternorum bonorum cupiditatē iniecit, quæ illum ad vitam tot annorū spatio innoce-
ter traducendam impulerunt.

FINIS

FINIS.

2

1105-18

99 960264

17

1105.18

Handwritten text, likely a letter or document, written in a cursive script. The text is mostly illegible due to fading and the age of the paper. It appears to be a formal or semi-formal communication, possibly a letter of introduction or a business document. The text is organized into several paragraphs, with some lines indented. The handwriting is consistent throughout, suggesting a single author.

Yours faithfully,
[Signature]

119

1105. 18









